

晚晴籀詩匯

第二九册



晚晴簃詩匯卷七十三目錄

鮑皋 十三首

金農 十首

汪沆 十首

趙昱 八首

符曾 十首

丁敬 四首

陳撰 三首

翁照 七首

張庚 九首

勞孝輿 七首

王藻 四首

顧我錡 七首

薛雪 六首

任瑗 三首

許佩璜 一首

黃天策 一首

李灝 一首

沈冰壺 三首

汪祚 一首

楊煜曾 一首

戈溥 二首

童能靈 一首

晚晴籀藪匯卷七十三

徐世昌

鮑皋字步江號海門丹徒人乾隆丙辰舉博學鴻詞有

海門詩鈔

詩話海門稱詩江淮間時樊榭客揚州論詩用宋法而海門一以盛唐諸大家為職志劉海峯歷朝詩約選持擇甚謹同時人惟取海門海門沒為誌墓以為天才鴻麗極馳騫之能不勞部伍而自中於法度近代罕有及之者里人學詩者陳深壑宗劉宜英蕙圃法重正西坪皆宗海門自成派別

見山樓卽席醉歌

空中綠雲忽破碎散作千山萬山翠君樓在市不在山卻共諸山翠相對東南山勢排長虹西山一片撐鴻濛北山突峙倚天塹石帆直指滄海東誰裁半幅吳江水更掛高碧窗裏樓上仙人終日閑坐攬江山列牀凡有時放吟

明倫彙編詩話卷一百一十三
一
還疾書山雨江濤奔腕底我來偶值天晦時槐風颯颯當
軒吹孤城煙井出隱隱平疇禾黍空離離須臾霧淨四山
出恍開青眼留詩客天外兩峯橫白波樹裏一江流落日
日暮倚樓歌醉歌主人再勸金叵羅海霞孤飛照衣紫雲
峯斗起爭嵯峨一峯蜿蜒黑蛟走一峯蜷局眠蒼狗一峯
未平一峯變此時山樓別有見大江之前無數山濃蛾失
影明鏡寒何人鐵笛喚山月一聲吹出蒼茫間我呼山靈
揖海若爾汝千年何寂寞何不飛來共我醉此樓樓上醉
眠夢涉滄洲凌五嶽五嶽渺難求滄洲復誰是但願樓居
不願仙君看山翠長如此

復之廣陵留別汪近晨

君從新安來我向廣陵去歸船及南風五月一相遇五月

南風揚子津茫茫復作渡江人與君笑語苦未了江干卻
立話情親江東諸謝才華盛阿大中郎共標映中間小謝
思更清十歲成詩康樂並弱冠好文復好游吳山越水遠
行舟盤渦七十二灘險富春山多逢處留錢江八月波濤
壯迴棹蜻蛉向湖上秋菊寒泉薦水仙棲鴉流水聞菱唱
南浮震澤下姑蘇行行卻抵丹陽湖潤州客居無可樂北
固山前閒釣魚舉手鱸魚四十九得意滿酤京口酒多景
樓高會眾賓晚召鄒生與枚叟座中末至余最羞江天斜
照賦登樓衡才直等金三品重義何論銀一流海門蒼蒼
隱煙樹石壁松寥讀書處我舊棲遲向此山聞君方欲將
舟去愛君五色絢爛驚世駭俗之文章秋鷹天馬無比方
山雞照影不敢顧人言此是雛鳳凰旦暮雲霄看搏擊下

明臨錄詩四卷十一
三
帷更愛焦巖寂鐘鼓山堂鶴鶴驚海天風雨魚龍集見此
君文變益奇獨予行路心增悲故鄉山水反如客佳處不
得相追隨追隨不得傷懷抱橫大江兮揚桂權別後秋期
無幾時遇君當在金陵道

焦山精舍夜飲

我吟天風海濤曲焦巖颯颯振林木漢隱先生拍我肩邀
向巖間結茅屋茅屋直下臨奔湍陰林積雪森夏寒清飈
迴動白羽扇明月走送黃金盤黃金之盤白玉壺長江瀉
酒那用酤狂來手擊馮夷鼓興酣口吐驪龍珠山顛酒仙
吸江海酒仙仙去空亭在山頂吸江亭亭中一笑君應聞海上
三山好相待明月倒行雲卻飛山巔酒醒霜盈衣蒼藤古
木半江黑側足崩崖愁獨歸歸來已聽晨鐘發驚魚跳波

動棲鶴欲卧攜牀對海門夢騎長鯨汎溟渤

元鳥

仲春元鳥至翩翩升我堂堂中何所有黃金玳瑁梁冠帶
並陸離絲竹紛浩倡卷衣左右史設樂東西廂東廂吟龍
笛西廂吹鳳笙席前兩少女彈弦奏清商游塵倏飛灑輕
翰故迴翔心志俱騰悅上下相和鳴華屋雖云美四序變
溫涼吳宮旣已燼漢殿又已傾爰居辟鼓鐘高舉而遠行
栖栖何爲者憂患一朝忘白日不可留當歌及春陽五音
兮繁會百物以阜昌撫茲盛明運抱彼淪落傷衛賢慨秉
翟周士欣執簧欣慨豈殊途浮沈各異鄉丈人且安坐爲
君陳樂方

北固秋望

晚晴雜詩匯卷十三
三
風高海遠雁嘯聲天末樓臺上晚晴山合金焦三割據江
分吳楚兩縱橫孤城立馬寒雲闊絕浦收帆落日平欲作
江南秋望賦少年誰是庾蘭成

晨登采石

風咽深松響落潮翠螺峯上曉嵐消亂花成路客聞磬殘
月在林僧採樵

焦山謁漢處士祠

三峯盡與一江爭只此中流靜不驚天闢海門容大隱人
從石室得長生少微星傍吳分野太古山傳漢姓名尙有
魚龍妒高卧風濤日夜動秋聲

奉陪嵯使公汎舟海口

拊鼓鳴鉦萬艣齊小舟鳧雁大鯨鯢披襟潮逐雄風上捲

幔天臨少海，低全楚。魚鹽歸簿，領一編磊落，射珠犀仙丹。
吟醉邀同濟，直到龍門路不迷。

游焦山迴船抵甘露港江上口號

天上樓臺出潤州，連峯不斷女牆頭。渾忘家是城南杜，如
作江山萬里游。

涼秋過雪江丈齋，丈方獨坐擁褐讀離騷。相見命酒

共酌語入近狀，不無感慨作此用寬其意。

奇服先生老不衰，堂前弟子爲秋悲。人今不見如三月，天
昔平分此四時。海水何嘗知冷暝，風飈原自別雄雌。清時
會有高年問，慙與沈酣讀楚詞。

奉和李大夫入覲歸途登岱之作

跌蕩天門望倚松，逶迤柱下羨猶龍。河山勃碣趨都會，齊

魯陰陽畫岱宗祖道雨迴蒼水節仙壇晴啟白雲封遙知
嶽頂千峯夜側聽鯨鏗夢省鐘

會
康山

何人能活李空同此地名高康武功煙草萋迷三月暮
琵琶偃蹇大江東宦官禍實深傾國朋友交猶見古風樂府
歌鬢爭解唱鳴珂著屐等閒中

聞碁

時清休遠戍節暮復哀碁不斷千家響無端萬里心候蟲
聲共切山郭氣同陰天下有寒者那知關塞深

金農字壽門號冬心錢塘人乾隆丙辰舉博學鴻詞有

冬心先生集

王蘭泉曰冬心性情澹峭世多以迂怪目之然遇同
志者未嘗不熙怡自適嘗繪其四十七歲小像蒲州

劉仲益題云堯外臣漢逸民著簪韋帶不諱貧疎髯
高穎全天真其標格可想見中歲為汗漫游徧走齊
魯燕趙秦晉楚粵卒無所遇而歸誓願年五十如玉
溪生打鐘掃地為清涼山行者晚寓揚州賣書畫以
自給書出入楷隸本之國山及天發神讖兩碑畫梅
尤工張浦山曰壽門好古力學工詩文精鑒賞初
寫竹師石室老人號稽留山民繼畫梅師白玉蟾號
昔邪居士又畫馬自謂得曹韓法近寫佛像號心出
家庵粥飯僧其布置花木奇柯異葉設色尤異非復
塵世間所覩蓋皆以意為之問之則曰貝多龍窠之
類也

詩話冬心畫書詩皆神妙固由人品絕俗尤得力於
澤古善於脫胎自序其詩謂所好在玉溪天隨之間
而不欲斤斤以為規範題自錄詩卷云他年詩話添
公案不在張為主客圖又云隻字也須辛苦得恆河
沙裏覓鉤金真甘苦之言也論
冬心書畫者亦當作如是觀

宿焦山

縹緲松寥山積翠下無路風籟鐘微茫鶴跡雲散聚如聞
定中僧禪窟勸小住牽月濯巾餅江光漾高樹

楊三十五過廣陵客舍

秋林正涼雨爲洗客衣塵而我禰衡病夫君原憲貧歲看
華鬢改話到故山眞今夜然燈坐鄉愁添一人

閔華治酒送別

雷陂重相送餞席暫淹留人作浮雲笑酒生明日愁西風
孤燭夜涼笛五湖舟繚白縈青外家山話越州

吉祥寺泉上十韻

新霽來山中精舍騁游眎始入灌木陰稍深洽風善維南
豁平疇極西聳浮巘靜雲一族居幽澗眾流行汎出浸淺
莎濫時破重蘚潏潏靈液華涓涓連珠演手斟不亂淆口
飲有廉辨卽此澹交訂君子意非舛惜哉無名緇綠塵鬪
茶芽明朝續水緣石鼎攜松篔

憩王屋山後十方院

斗室虛無隘九州蕭條還作采真游
黃梅花坼融朝霰疑是銅仙鉛淚流

大椿靈餌話堯年鍊液升煙日馭前
玉女投壺天一笑人間何苦種桑田

初秋養疾樊上

巖居養疾遠郭壩蓂朮多於粥飯緣
秋澗曲流喧枕上槐花一寸積門前
未忘舌本思今日尙損腰圍似去年
雲笈珠林從妙悟絕勝騶衍共談天

馬

日瑯日瑯

兄弟招同王

岐

余

元甲

汪

填

厲

鸚

汪

沈

陳

皋

集

小玲瓏

山館

少游兄弟性相仍石室宜招世外朋
萬翠竹深非俗籟一

圭山遠見孤棱酒闌遽作將歸雁月好爭如無盡鏡尙與
梅花有良約香黏瑶席嚼春冰

懷張先輩

幼持林居

十年焚軌卧林枋深閉書堂少俗矜收得此心如鎮石常
時見面有寒冰空囊趙壹清無匹一揖奚康懶未能曾共
春風三度醉櫻桃花下曳青藤

瘦馬

古戰場邊數箭瘢西風老馬憶桑乾而今衰草斜陽裏只
作牛羊一例看

汪沆字師李一字西灝號槐堂錢塘人諸生乾隆丙辰
舉博學鴻詞有槐堂詩橐

詩話西灝師厲樊榭爲詩與王茨檐杭堇浦符聖幾
張南猗號松里五子分修浙江通志及西湖志舉詞

科報罷客天津查氏水西莊久之史文靖將以經學
薦以母老辭歸待戚屬有恩紀年逾八十於五子中
最為老壽

書曝書亭集後

老去無心典石渠扁舟歸釣小長蘆排籤日笑搬薑鼠釋
褐人憐上竹魚曠世才華追屈宋百年蹤跡半江湖如何
史筆高三館空負蘭臺七上書

飲繡谷亭題一百八件酒資錄後同樊榭先生龍泓
趙勿藥作

玉蘭花下同呼酒愛此名資小戶加飲到清明剛百六雙
卮留伴殿春花

七烈行

宛平太學生查國英國才兄弟同居京師崇禎甲申三月十七日闖賊李自成犯闕城將

留國英妻周氏時已寡二子允哲允著先往榆堡國才偵賊信出入倉皇氏號於堂曰查氏為京師

望族不死將為賊辱未亡人有一死以謝地下耳
若等蓋早圖之眾皆諾曰惟夫人命於是國才妻
張氏妾廉氏廉之母某氏女二姑國才女三姑四
姑環拜氏前從容而縊黃母者國英妹也亦以寡
附查氏以居是日與其女三姑隨氏同縊時殉者
九人絕而復甦者國才妾廉氏及其女四姑廉氏
後度為尼四姑壽踰八十終國英
孫推述先烈乞言表彰為賦此詩

平則門開逆闖入朝士紛紛爭拜賊查家烈婦周夫人慷
慨堂前大義申昔聞樂羊妻盜劫不從甘作鸞又聞高愍
女寇求為婢誓勿許彼非鬚眉盡如此我曹今當共一死
娣婦聞妯言請從地下長周旋小姑聞嫂言含笑不辭赴
九泉諸女聞母言齊聲抗志金石堅就中有妾長跪請莫
因葑菲輕棄屏有母雖孱同畢命周夫人查烈婦聞眾言
笑拍手各各入帷房密密縫衣裳光明一匹帛齊挂文杏
梁朝來蛾子排闥過烈氣如生不敢剗貞魂如伴魏娥游

勁節還同費氏播七人絕二人蘇跡雖異心不殊嗚呼七
烈之墓草已宿七烈之名光岳瀆

題曹六圃選宋百家詩存後

我披天水史開寶逮德祐文章流別殊各自闢藩囿西崑
沿五季遺俗尙怙狃誰復正始音魯公冠厥首能事王黃
州訓詞亦深厚繼之梅歐陽燦燿光列宿髯蘇一代豪落
筆鉅鯨扣門下四君子笙簧迭賡奏同時濂洛賢風雅振
先後雖非春葩榮至味在醇酎紛紛遞述作南渡格變又
渭南富天才崇臺九成構楊監與蕭尤下視匹蓬雷石湖
頗排稟簡齋劇孤秀終遜子朱子芳潤六藝漱汐社多瓌
詞噍殺出泉竇獨愛晞髮人九歌可馳驟其餘盛藻翰儂
指牛毛富惜哉五百年散佚隨飄颻遂令汲古者荒荒墮

明齋詩話卷十三
煙冢曹君擅石倉積書屋連袤文鑑補呂氏詩鈔廣吳叟
憶昨上元日晴雪滴殘溜肩輿過草堂叢編出懷袖羣言
匯百家目眇浩難究如入萬花谷遙天列錦繡又如對古
尊雲雷錯雞雌賤子嗜好殊讀罷一言祝變體雙井翁造
語獨矯揉江西詩派圖幾輩尙墨守九僧格律麤四靈篇
幅瘦江湖諸小集殺核分旬餽豈無絕塵句駑駿不同廐
兼收與竝登要使無雜糅十手急傳鈔百卷付刻鏤鑒別
君自精狂言當我宥

讀書示查生善長

屠龍技非不稀時無所用讓履豨作俑子人共嗔時有所
用貴蹻輪人生擇術何用巧一藝成名眾亦寶

青青江上楓鬱鬱嶺上桐三年成拱把枝葉何龍蔥昂霄

聳壑詎不速質脆皮柔易傾軋何似園中樹白檀堅勒卻
中車心軸
朝銖冒暮鑄脾人各有分苦不知慙鳧企鶴徒爾爲君不
見鷹日擊無全翻牛日犁無全蹏

忠天廟畫壁歌陸筱飲孝廉索題

我生未謁忠天廟陸子示我畫壁詩畫筆崢嶸出乃祖清
芬述德播誦之前有作歌鈍丁老和者長篇墨瀋隨窮形
極態恣刻畫讀詩如見畫壁奇中祀社神越公像廟創何
代傳異詞溯昔阿廢大業末羣雄擾攘干戈馳我祖一劍
起黟縣六州保障無瘡痍寶融抒忠洵不忝錢俶效順嫌
猶遲日月出矣燭火熄功在社稷銘鼎彝能捍大災與大
患祭法協禮僉曰宜急當買權北郭去擷蔡采藻陳清醑

惟聞榜額半漫漶陳丹暗粉壁亦欹畫壁有孫善表祿廟
貌如故疇匡持揭虔妥靈後嗣責卷還詩卷歌忸怩

蓮坡以文彭摹印一方見贈作歌謝之

致身自笑無文章纍纍之印輸提將執筆又未笞戎羌何
能斗大腰懸黃誦周說孔稱陶唐字學聊爾窮偏傍蚪斗
篆籀墮渺茫摹印獨存漆室光神奇工巧誰擅場陽冰倡
論語實臧姜夔吾衍互頡頏有明製作蝨綴裳停雲館主
師子王南都掌教聲價翔諸生講究大雅堂餘事獨愛翻
三倉下筆切玉如截肪何主臣外盡斂銜歷年至今三百
強片石不啻千明璫故人持贈出縹囊瘦蛟蟠屈紛低昂
陋彼劍拔同弩張佩刀只合歸王祥奇石應付米老藏我
手十指直且僵眯書憎畫慚面牆投閒置散爲石傷欲留

不可意徬徨半生瓠落鬢眉蒼詩書滋味久益長感君勗
我意獨良石交之誼何時忘嗚呼石交之誼何時忘

過王學顏新居登七層樓

別君三載音塵斷每到思君愁滯汧買船閩海一歸來花
事闌珊春過半征衫脫卻訪君家聞道移家大井畔巷交
闐闐沸蝸蟻更憎街泥沒兩軒詎知有道居自殊纔得入
門喧寂判因山爲屋結構牢高者跨巖低傍厂開軒排闥
引我梯每上一層眼界換鼓勇直躋七層顛儼似浮屠卓
雲漢元龍百尺空自豪宏景三層何足算江形左抱湖右
環鳥下風帆鳧雁亂遙山重疊不知名一一送青來几案
城中有此奇絕境使我煩紆一朝泮乾魚脫粟且午餐愛
君真率從君膳家釀如泉續續添蟬聯貪話忘晡盃半酣

俯瞰十萬家喜屢豐年無絕爨飄飄我欲御風行咫尺蓬

萊到隔岸

趙昱原名殿昂字功千號谷林仁和人貢生乾隆丙辰

舉博學鴻詞有愛日堂吟橐

全謝山曰其氣穆然以清其神油然以瑩其取材浩
 乎莫窮其別裁蓋非一師一家之可名也又曰谷
 林太孺人朱氏襄敏尚書曾孫而祁氏孫也嘗讀澹
 生堂書舉梅里書籍之盛以勛其子故谷林兄弟藏
 書確有淵源符南樵曰谷林徵君與張東亭厲樊
 榭沈欒城陳蔚九符幼魯施靜巖張繼青唱和有小
 山堂唱酬橐家有藏書數萬卷與揚州馬秋玉相埒
 其好客亦如之嘗見其題畫詩云風吹釣絲斜風定
 釣絲直溪上不逢人秋煙
 生暝色絕似中唐人所作
 詩話乾隆初武林壇坫最盛枕厲為之領袖谷林昆
 季風雅好事小山堂藏書之富輝映林泉一時文人
 騷客倚為東道主所作竝博雅為宗成
 為風氣雖堂宇未闕要皆沈淨屠沽也

和樊榭雨中移居之作

城陰連舍背蔬畦蕭散如君復可棲
注史名亭供歲月卜鄰依水擇東西
牀牀避漏明燈在葉葉披風瘦竹低
小市橋聲門巷轉涼秋徑訪客同攜

九日過白雲山房有感

風流耆舊遠盡日掩秋堂野水落寒石
亂山低夕陽白雲從過眼黃菊又初霜
空有琴書在塵封已半牀

明鄭貴妃金書觀音普門品經

壞色鸞紋幾劫塵當年宮事謾題論
承恩特請飢民繪天子呼來善女人

番經廠裏見蓮臺綠刺觀音鬘絡開
跳步也隨弓樣窄中秋來舞萬年杯

黃屋何來鄭主乘松風狂客捏名稱
知他佛力生因想絕

倒烏臺睡語憑

彌戾消除一卷攜名香三沐寫恩私
隄麋清謹堂恭進呵手絲綾裏筆時

半月泉

明月隔幽巖落水似弦上更鑿經好事劈規作新樣
蝦蟇恒見食兔魄未全望俛矚潭影虧檐雲空蔽障判劃古菱花
偃形類交韞得閒經竹院小憩獲微尙討舊遡曩昔靈號咸和
剎名蹟甯寡和寺壁記慈相

答謝山京師寄柬并及穆堂先生李公惓惓于予之意
速余北行謝未能也

寒卧虛楞霜日移憐渠穴紙凍蠅癡疎蕪華髮存公道
悠邈良朋辱遠辭獻玉輒傷和氏足生金難鑿賈逵碑一從

塵事輕拋得好踐梅花雪後期

符曾字幼魯號葑林錢塘人監生乾隆丙辰舉博學鴻

詞歷官戶部郎中有于役河干集

詩話葑林詩長於五律諸體亦妙造自然陸德燦稱其詩脫筆寫來意味澹遠自成神品陳楞山謂如春在花如意在琴足狀其詩境

高郵湖

練影湖光千頃寬蟹村魚舍滿蘆灘煙波渺渺天無際雪
色桃花水上看

次眞州未及訪玉几徵君悵然有作

白沙江上駐弭棹漫夷猶木葉有寒色煙波無盡流故人
非遠道秋水結離憂乘興空勞過眞成訪戴游

游雨花臺

雲公說法處斜日指前朝臺冷花猶落禪空雨尙飄劫灰
龍子護山鬼女蘿招不省蕭梁事銷沈付暮潮

青溪

青溪三面曲曲盡清流送我向何處言尋杜若洲采蘭
空已老解佩倚誰修一寫箜篌怨雲中江樹秋

江口蚤行

江月墮船尾江風引客還一聲雲外雁無數煙中山大好
吟情遂兼之意思閒此行如此返眞足醉心顏

玉几招同藺洲小飲琴香初地

小飲便成醉人生握手難莫言世路窄但計酒腸寬各已
顏蒼老時方晚薄寒數枝籬菊在相慰復相看

綠楊湖有感

極浦揚舲煙水深客懷渺渺倦登臨祇餘芳草傷春日無
復幽蘭寄遠心梅子欲黃朝苦雨柳花吹白晝多陰風前
短髮蕭疎甚聊託微波寫楚吟

贈李慶生

十年坐客寒無氈朝朝抱犢山中眠屠沽有酒君何有忍
飢誦經徒可憐紫髯太宰今大賢賞君才思如奔泉薦章
不敢隱髦俊下士名達天子前天子爲君能割鮮握算下
試東海邊果然煮海增竈煙七萬量取元霜煎古人才大
虛中偏巨壑要受千回漩今看斥鹵成膏田歲收胡止禾
三千又况造土工丹鉛文翁化蜀差比肩旣養而教理則
全俾宰大邑吾信焉君不見范公昔起慶歷年范公之隄
古今傳范公亦爲西溪監後來繼者君勉旃

秋籬集字

籬下西風殘照天一聲新雁落雲邊霜枝露葉爲誰澹秋色晚香殊自憐瘦蝶相邀人對酒遠山微見翠生煙不知名處君須記坐憶春叢又隔年

江上曉行

天風吹寒秋雨多長江浩浩無停波揚颿曉發誇疾走千里一擲如投梭青山灰堆沒兩岸但見老樹留霜柯一聲兩聲雁拍水三點五點鴉翻窠江邊處處溼煙起散作白霧綿兜羅殘蘆蕭瑟送遠響壞塔不動高嗟峨時有漁舟墮一葉風中搖漾飄煙蓑此時睡起何所羨卻羨山僧眠
澗阿

丁敬字敬身錢塘人乾隆丙辰舉博學鴻詞有硯林詩

集

詩話敬身少未讀書及冠酷好金石文字等於性命
著武林金石錄書工大小篆筆如屈鐵精刻印章然
非其人不能得一字
刻苦為詩語能通峭

題沈石田冷泉亭圖次石田自題韻

清詩直比謝元暉寫向丹青自入微林影了如依石瘦泉
光渾欲抱亭飛山中故事今誰續畫裏高流得見稀片紙
真堪抵瓊玖幾經遼鶴憶人歸

同厲樊榭杭堇浦王芡檐汪西顯符南竹游城東報
國院池上分韻得門字僧靜山妙於茗事頻供不
倦

清池臨淨域一徑隱城根魚意不嫌客鳥言如在村趣增
茶串妙靜覺石闌温與共論詩久誰參不二門

小雪初晴焚榭見訪同游梵天講寺

朝來幽事動良友過我早清游敦宿昔一雪晴正好遷池
城之南幾度略約小蹋凍乾蘚坡徙倚疏林杪礪風劃松
雪殘玉落翠燾錢王此締構突兀雙塔表劫火雖皴皴句
勒猶天矯金容歸浩空追蠡翳勿考依稀景泰字剔辨勞
指爪靈鰻應就蟄寒螿懾深窅裴回日停午古意益絲眇
高僧句通禪心折玉局老月履疑往來煙鐘寂昏曉久立
肌骨森煩慮脫如掃江光瑩不遙極目點雲鳥

重題山舫用山字

昔同諸吟侶分得阿字為讓山社友題山舫會錄之哀然成册矣近
子卧疴鮮出每思一躡其境而倦未能也乃用山
字重題之輒便寫寄俾懸舫中知山舫之有重題
自予始勝筇高履經此倘
辱和焉當為山中故事

道人水觀元非實岳屋如舟夜不關安穩甯勞木杯渡嵌

空險笑石船山新松影壁圖成易候雁橫空字豈艱顛米
曾誇虹貫月何如此舫占孱顏

陳撰字楞山號玉几鄞縣人乾隆丙辰舉博學鴻詞有

陳玉几詩集

詩話楞山家錢塘游江淮間早年所作詩號繡鉢集
晚別爲玉几山房吟卷又有擬古詩皆蕭澹高超夏
夏獨造舉大科辭不赴自爲謝啟
甚工尤善畫高簡似雲林道人

古蕩歸途

日暮東風急歸途雨正繁泥深黏屐重雲溼帶林昏野水
喧魚艇人家掩竹門遙憐折梅處回首更西村

春盡

爲貧常作客春盡未還家故國重回首江城正落花屯雲
依樹斷深柳趁風斜寂寞年時意勞勞空歲華

寒食前五日蓉槎招同諸子泛舟紅橋

按歌畫板檀雙拍賣酒青旗竹半又放艇石橋南畔去傍

籬吹盡野梅花

翁照初名玉行字朗夫號霽堂江陰人乾隆丙辰舉博

學鴻詞辛未薦經學有賜書堂集

沈歸愚曰朗夫少年專工佳句後漸臻老境識力俱
高有虞伯生老吏斷獄之目袁子才曰朗夫館稿
相國家相公非朗夫唱和吟詩人呼為詩媒以鴻
博薦朗夫謝詩云千里因依惟夜月一生消受是東風
生有春柳詩云千因依惟夜月一生消受是東風
迎來桃葉如相識猜得楊枝是小名皆佳句也平生
有謙癖余題其三十山草堂圖云四海才名六十
春青鞋布韞輒紅塵平生事謙沖甚只有青山不
讓一試罷形庭戶不閑談經重薦伏生
才一時猿鶴驚相顧花下蒲輪今又來
詩話朗夫老於幕府嵇高兩相國先後以鴻博經學
薦皆不遇廣交游享大年羣以老宿推之詩堂字未
閱而裁量精密多親切有味之語流傳佳句甚夥如
與友人尋山云友如作畫須求澹山似論文不喜平

贈沈椒園侍御云午夜疏燈焚諫草
春風小驛見常花風味不減故翁

詠史

文成五利封尙主亦不惜謂世無神仙佞喬在咫尺文成
五利誅駢首如羊豕謂世有神仙所言皆妄耳金銀宮闕
間可望不可到清心守環中無爲領眾妙而况至人徒修
短非可校不朽超形骸千秋光遠耀

孔光譖王嘉浸潤致之死馬融排喬固承順權臣指兩人
擅聲華素推經術士忽焉好惡乖交口肆詆毀失己違本
心媚人求貴仕平生讀何書適佐貪且鄙一念入歧邪百
世人不齒願爾顧修名甚勿污青史

梅花塢坐月

靜坐月明中孤吟破清冷隔溪老鶴來踏碎梅花影

涵秋亭小憩懷師十五南塘

疏林過微雨返照明殘滴獨立野亭中蕭然起寒色澄湖
落雁斜古渡唳鴉寂不見遠歸人楚天淡秋碧

迎笑亭寫望

滿亭飛翠撲輕裾大好風光畫不如數摺晚山迷橘樹一
竿秋水上鱸魚室藏烏喙人何在舟載蛾眉事恐虛轉眼
霸圖銷歇盡而今贏得話樵漁

雨後君山野步

一縷初暉潑眼明獨行江路喜新晴水當臘去青浮岸山
到春來綠進城楚相祠空汀草合吳孃船過浪花平故鄉
風景殊佳絕底事終年愛遠征

將之北河留別

織就文禽作對飛一篝燈火久相依耦耕當日言猶在佐
讀終年計轉非但使我能拋犢鼻肯教君更泣牛衣料應
不學蘇家婦金盞歸來也下機

張庚原名燾字浦山秀水人乾隆丙辰舉博學鴻詞有

強恕齋詩鈔

詩話浙西張氏多以詩名世浦山以布衣遨遊天下
足跡幾徧平生善書喜為詩而畫尤氣韻秀逸頗近
宋元時賢稱稱為三絕嘗自謂詩與畫相表裏書為畫
之原故三者兼之安州陳密山錢塘杭堇浦桑岐甫
皆稱其詩之工詩多古體五言專學選體然不免斧
鑿之痕七言則天骨開張有落紙雲煙之槩七律清
氣往來天才流亮五
律亦不失唐人格調

張夏山行

心目昨澄霽望嶽甯陽道穠翠排空傾萬象成卻掃纏綿
夜夢深閃倏山窗曉趣裝入其麓揚策渡叢蔦日高放雲

明倫彙編 家範典 卷一百一十三
七
霏羣峯爭奇巧嵐氣漾空濛秋光遞清杳疏立巖松直亂
拂渚蒲繞茅屋不成村林壑自多竊沙澗旣屢揭磽岡亦
重造迴旋盡日看餘暉澹尤好風動響飛籟霞散送歸鳥
未曾凌絕頂吾懷良已浩

李方伯藏倪雲林溪山無盡圖

清閼高人骨格奇意趣豈復同凡兒偶爾適興寫山水冷
致冽欲凌人肌想是霞餐卻火食不然那得清如斯此卷
高尺長減仞幽溪重複山透迤枯林一簇山之麓林下深
深置兩屋蓋茅零落牆欲頽屋後蕭疎映叢竹柴門不閉
闌無人煙波迤漾平侵門旁通略約亦將斷舟楫沈齧洲
沙痕崇峯側嶺絕蹊畛荒寒似寫亂後村要是生當至元
未亂亡在在驚心魂目有所傷手自應豈惟迂癖成性存

此卷筆法尤可喜細觀不與常作似山石居然王右丞樹木全逼營邱李枯淡雖云是本色神味須知備眾美世人但擬解索皴誰向先生問具體李君珍惜同隋珠自云得之酒家胡出坎藉茅非偶爾定是迂翁神與俱

北邙山歌

北邙山頭森宿莽北邙山下堆叢土渭水東流無盡時邙山北峙常如古前栽松柏摧爲薪後栽又復根輪囷松柏不知前與後後人何用泣前人

丙寅人日巴江舟中

人日巴西客悽悽江上心亂山圍楚望孤艇入春陰生計老彌拙幽懷空自深去年鄉有信粉檣已成林

自信陽歷羅山孝感山行

晚晴詩話卷七十三
丁丁樵斧隔溪響淅淅山雲出谷寒野屋傍崖隨意構小
橋橫版趁蹊安爲貪好句低頭覓失卻奇峯到眼看穿過
松林下坡去人家一簇稻田寬

丙辰冬十月歸途次濟甯

孟冬寒氣肅郊原日色荒荒望欲昏半幅酒旗溪口店數
聲牧笛棗林村天涯游子心誰識魯國儒生道自尊稅駕
任城尋古蹟長衢一片市塵喧

采桑詞

采采復采采柔條與老枝渾忘織手破只是怕蠶飢
不惜辛勤餉終朝更達晨他時成錦繡知上阿誰身

漫成

袁家山頭晴靄暎大佛寺前春流淙青蒲出水僅三寸白

鳥過溪時一雙

勞孝輿字孝于號阮齋南海人貢生乾隆丙辰舉博學

鴻詞官貴州鎮遠知縣有阮齋詩鈔

詩話孝于擅詞賦爲惠半農所識拔與修廣東通志
試鴻博未遇作令黔中鬱鬱以終其詩才鋒朗映歌
行勝於
近體

祠竈篇

朔風捲爆何喧闐夜聞甲馬空中駢廚中灰飛如糝錦竈
底燈光生紅蓮靈旗獵獵朱衣妍家家明燭向竈懸傳聞
東廚司命君常於小除之夜能升天我聞天有九覆幬周
八埏東西南北互萬里其高直踞三十三層巔君從何來
今何往其間道里歲月得無多遷延又聞帝闈九重位高
拱北極深邃眾星聯守關虎豹立猙獠蛟螭繞殿紛蜿蜒

少櫻其怒不可測君乃何事一過而問焉我茲惻然念久
與君周旋無食籲君爨苦寒依君眠念當遠決別何可使
君出門無酒腰無纏圍中有蕪樹有橘呼兒斫取羅竈孺
清齋小供可以飽殷勤再拜斟寒泉歲寒天步良艱難苟
可以止君無還維君莞爾笑此子何愚頑子明語子細聽
旃寒暑有代謝陰陽時變遷功成者身退造物乃循環維
皇憫茲下土濁使我監觀於塵寰善惡恆以錙銖計禍福
不爽毫釐間歲終報績無少假威福惟我司命權汝不見
秦皇東海求神仙終朝拳跪曲突前又不見子方剖羊享
祀虔立致黃白家萬千我聞斯語喜蹁躑如渴得漿口垂
涎酒更酌香重煎盤添美饌紙增錢長跪致詞未敢言祝
君默喻首我肯詎乃色然怒曰咄爾措大何敢然自吾居

而所羈旅將一年朝不遑夕謀養煢東家焚蠟糈沃釜而
女採薪無力不自全西舍庖鱉鯉作膾而女操刀欲割無
小鮮他人有熱可以炙而爾之灰且死何時然有時金石
之聲聒我耳不知空廚之下久已無炊煙女頭無媚骨而
躬非脅肩只論尋尺直與枉何知鑿枘方可員徒然持此
殘杯與冷炙胡乃斷斷向我搖尾而乞憐言訖掉頭不復
顧翩然歸天朝上尊天高茫茫不可問竟夕使我頻搔短
髮臨燈前

典裘購書歌呈吳樂園使君

富不羨惠文翠羽值萬千貧不願齊嬰狐裘三十年但願
囊中有錢樽有酒鷓鴣典去事則傳國子先生乃不爾生
平嗜好唯書耳觀樂能知四國風碎琴直向五都市五都

市上車輪颺瑰奇貨貝雜瓊瑤緩轡客過垂紫綬揮鞭人
至貫金貂金貂紫綬紛相妒先生掉頭不肯顧惟餘南面
書百城獨向北堂鈔四庫朝來蕭寺訪遺編牙籤玉軸多
佳鑄中有四朝大手筆欲購自顧腰無纏慨然解裘典以
易如寒得衣復何惜署以郇公五色雲襲之和氏連城璧
連城璧重千黃金黃鐘大呂發高吟四代詩人不可作先
生振響還相尋夜寒酒盡鐙搖影不知廣文官自冷都講
三鱣從此升使君五車南來騁前年竹馬迎羅浮使君直
踞四百三十二峯之上頭手攜金宋元明驚人句上寄大
小二石之高樓樓高巍巍矗青天金書玉簡明霞箋使君
不忍自怡悅爰出長什播之萬家春管絃管絃到處多風
雅遂使三城謳五袴不知使君久耐寒乃能衣被及天下

我欲適子館還余授子餐緇衣之好能改造輕裘旣典何
時還何時還誰改造鮫綃百幅爲君報使君聳肩只苦吟
緼袍不恥從吾好君不見卽今聖人深垂裳新裁雅頌頌
太常使君慎勿名山藏願上山龍補袞章

蘇軾

崧臺送孫榘峯之珠江并勸其歸龍眠

蘇軾

紅雨滿江蟬咽樹泮江東下無停處我來端溪幾何時我
今未歸君何去屈指纔計一月耳邂逅便訂千秋心酸言
字字貫金石高文言言振瑯琳王孫老矣不免餓茫茫四
海誰知音探囊豈有纏腰貫倒篋只存擲地金金聲擲地
無人識明月夜光應自惜君今去我更何言惟有把君詩
過日只今諸侯多好賢往往誇客羅鯖筵請君掉頭更勿
顧家山歸去看龍眠桃花泝畔垂雲麓下視餘子徒碌碌

他日尋君路不迷但指嘯聲出林木

銅仁江行

巒山轟嵯峨涓滴瀉林翳曾無濫觴源一行自委麗飛瀑
散四山奔蛇不可制漸落沮洳鄉遂成膏飮地嗟哉蚩蚩
氓日與水爭利高者劬山椒其下迫堰砌數世長子孫恣
耕且無稅自詡桃花源曾不識漢魏誰知秋潦驕竟挾拔
山勢我田穀已黃一夕肆吞噬老穉號山林魚龍負鼉屨
雖幸有子遺入口將焉濟空山蕨正肥努力搜根蒂

題華首寺

花宮門戶闕朱明四百芙蓉一掌擎彼岸從來皆佛度高
山奚必以仙名雲垂絕壑漫漫下春轉芳塘盎盎生心迹
不知何處住頻從支遁訂新盟

登高歸途訪名園遺址

越臺秋老霸圖湮訪舊無端感慨新射圃廢來官馬瘦名園荒後主僧貧曾無綠野留歌扇只合青山與酒人吾輩風流今在耳浩歌還訪晉遺民

寄當路

掃迹風塵厭曳裾嵇康新廣絕交書白頭久笑河東豕燒尾終慚瀚海魚臘雪多情同冷淡春風何意更吹噓年來袖刺毛生字終戀南山一敝廬

王藻字載揚號梅泝吳江人乾隆丙辰舉博學鴻詞有鶯脰湖莊集

由碧巖泛舟至黃龍洞

登山興固佳看山致亦好舟中望青弁四面雲林繞連峯

若點黛歷歷媚春曉著屐重探幽一步一回眺湖田翠欲
流白波際天表想見底定初茲山亦浮島載造龍洞前端
倪不可道石樓聳亭亭中空類房窈下有無底谷直落萬
丈杳當年龍欲飛裂山試鱗爪巨石遭掀騰礧然自相踰
至今猶拄撐屹嶻若將掉向非龍所爲人力詎施巧我欲
窺其淵股栗神魂悄側聞歲暎時甘澍每協禱多恐幽深
中仍護領下寶安得鞭起之爲余種瑤草

送友人還廣州

九月值搖落送君南粵遙寒砧催木葉輕楫理江舠衣上
桄榔雨吟邊瑋瑋潮越王臺上望煙月靄迢迢
聞道天南路山川秀且清花田劉鋹墓珠海趙佗城漢月
蟾蜍滿秦橋蠓蝨橫無由能縮地天末遠含情

登縹緲峯歌

我愛具區水浩渺涵秋空三萬六千頃頃磨青銅復愛
洞庭山峯嶺摩蒼穹七十有二峯峯削芙蓉就中縹緲
最雄長如師有帥階有崇謁來不不到絕頂湖天空闊開
雙瞳羣山千百帖水面飛青舞碧爭朝宗銅官離墨遠鉤
帶五州七邑羅心胸天風蓬蓬雲腳亂赤日西走江湖東
湖光日色兩滉瀟水晶火齊交沖澗平生奇觀有如此坐
覺五嶽生胸中吁嗟人生百年本電速學仙何必非英雄
會當來此巢雲松口吸沆瀣揮煙虹夢入鱗堂見龍女金
支翠羽光熊熊江妃獻琛魚媵舞龍頭瀉酒珊瑚鍾更登
天壇掃落葉燒丹夜燭層霄紅丹成骨髓化青綠謁帝竟
入金華宮身騎飛龍弄白日俯視下界如蟻蠓乾坤八表

恣游戲歷千萬世無終窮君不見唐張碩漢毛公其壽將

與茲山同

顧我錡字湘南號帆川吳江人諸生乾隆丙辰舉博學

鴻詞有浣松軒詩集

詩話帆川潛居篤學名噪一翼鄂文端開藩吳中設
春風亭課士取五十三人以帆川為首選既薦應制
科檄至而帆川已歿詩中江南弄吳趨行皆春風亭
課作文端謂江南采風得此二篇摹寫已盡後篇寫
浮糧本末悲涼悽婉
勝讀奏荒書幾尺

九日登縹緲峯

太湖湖水平如油南臨吳興北常州雲濤瀕洞千萬頃天
遣峭石支中流奇峰羅列七十二意象岸嶸窮雕鏤青螺
綿延勢不斷支聯脈綴相沈浮就中一峯起天半孤撐磔
卓無朋仇有如端拱坐清殿奔走萬國朝羣侯置身峯巔

斷塵土縹緲雲煙裊孤柱微波一曲辨荆溪頑石數拳窺
顧渚未知大地竟安窮但覺長空浩無主孤舟遠泛若停
橈斷雁低飛如鍛羽是時秋空方沈寥丹楓黃葉山之椒
彭澤把盞正采菊中山搖筆還題餠我貧無物作重九憑
仗兩腳升青霄指揮雲物作几案呼叱嶧嶮同兒曹吳山
簫鼓真一笑若向平地誇登高

江南弄

東吳頭西楚尾江南遙遙數千里就中姑蘇與廣陵舟車
輻輳如流萍紛華滿眼徧城郭大家小戶樂復樂紅樓大
道珠翠繁畫檻中流簫鼓作酒酣肉飽不知倦佳冶盈盈
滿芳甸稗販猶裁白紵衣閭媿亦著黃金釧回頭卻顧四
壁空小兒索飯嗁門東未知衣食竟誰是且復強舉稱豪

雄鳴呼江南之貧貧若洗朝歌夜舞徒爲爾

吳趨行

四座且勿喧聽我歌吳趨吳趨當年稱樂土輕徭薄賦無
逋租自從浙東錢武肅竊據東南纔一幅政繁國小經費
多十有四州仍未足翻然更作科民計一畝平收數畝稅
當時三老背生蛆辛苦農夫力疲弊況值前明定鼎初淮
張赫赫虎負嵎防風後至罪有在田夫野老眞何辜誰言
新國遭輕典倍蕞輸將那容免卽今故國久滄桑戶曹猶
自憑方版我歌吳趨歌正長早禾粒粒輸神倉但得官清
無雜耗驅牛力向田間道

獨坐言懷

商飈襲華鐙志士生感傷迴首平生懷氣結不能揚粵余

昔髻鬢逸翮凌雲翔志曠違俗賞才潛離世芳委懷屬書
劍矢念結虞唐感歎馳慕思白日流西光徘徊伏隴畝坐
卧空井鄉清風響叢薄明月映修廊幽居豈不美撫己悲
未央岐山有靈鳥其名曰鳳凰梧桐以爲棲竹實以爲糧
五采蔚相宣異質挺文章翺游徧九垓棄置忽若忘棄置
何足歎鳳鳥非可常

清涼臺

朝游石城山日暮不肯迴連峯西北傾迤邐蒼屏開捫崖
厯壑千萬轉絕頂更上清涼臺清涼臺高不知數千里山
川莽回互岷江東去走滔滔微茫似可投鞭渡涼飈玉露
暑不侵南唐遺構山之陰卽今頽垣古礎竟安在但見野
花纖草厯亂愁人心君不見澄心堂淨居室冬無淒風夏

無日一朝白甲摧如山降王只辦隨身膝此地亭臺何壯
哉鉤欄屈戌俱蒿萊不須苦作雍門思且盡一杯歸去來
瓜茶登雞鳴山後閣
面水憑城小閣開縈紆磴道已千回人耕廢隴酬勳廟馬
嘶荒榛測景臺照郭寒流明似鏡隔江遠岫翠成堆南朝
射雉停輦處敗葉鳴蟬極可哀

靈佑觀

琳館珠庭次第開夕陽微照鬱孤臺道人鋤藥不知倦一
一鶴聲松際回
薛雪字生白號一瓢吳縣人諸生乾隆丙辰舉博學鴻

儼天詞有一瓢齋詩存

沈歸愚曰生白游橫山葉先生之門自少已工於詩
既長託於醫得食以養其二人其詩綺麗者本飛卿

鑄鑿荒幻者本昌谷平易者本樂天東坡而最上者則又闖入盛唐壺奧是生白之生平難以一端概者生白之詩亦難以一體盡之

遊乳泉洞入石雲復登蓮華巖至白雲洞

渴掬乳泉飲坐聽山禽弄再憩復再登漸失同游眾風來老樹香雲起危巒動攀緣絕人境回頭謝塵夢仙人不可卽立鶴何年控落日淡寒煙茫茫堪一慟攝衣下層岡白雲封古洞

東山逢徐靈胎

相值東峯下相看鬢欲霜年華共洊轉意氣獨飛揚四座

驚瞻顧連城且蘊藏如余空說劍無路掃欃槍

過先師分湖故宅又至橫山別墅

一日孤懷兩世情橫山分水各心驚文章先後仍聲價涕
淚滄江竟死生巷冷何人還駐馬柳荒無主斷鳴鶯居人
指點岡頭地午夢春深草色平

寒食日

春風吹我秣陵城江柳江花照眼明人共家山千里月夢
回孤館一聲鶯黏天好事迷芳草盡日微吟數落英去住
兩端判不得又逢寒食倍關情

寄杜太史雲川

美人芳草思飄然分水新城兩謫仙今日風騷誰繼絕江
南猶有杜雲川

拋殘別淚陽關曲酸盡閒心子夜歌莫向烏絲闌上寫隔
江煙火斷腸多

任瑗字東礪江南山陽人乾隆丙辰舉博學鴻詞有六
有軒集

金山

江流忽辟易天際裊煙鬟樵路鐘聲外僧帆樹色間月明
龍入鉢潮落鶻歸山何日辭妻子丹砂駐暮顏

游棲霞偕若衡兄作

好窮奇絕境特地上峯巔瀑響三秋雨衲含六代煙山多
皆拱寺江遠欲浮天愁絕區中事相留可判年

田家

柳陰荷鋤歸豆莢未出土呼兒夜飯牛昨宵有微雨

明倫彙編 家範典 卷一百一十三

許佩璜字渭符號雙渠江都人乾隆丙辰舉博學鴻詞

官衛輝同知有抱山吟

硯北

搆軒依硯北小隱擬牆東香瀉紅蘭露涼生翠樾風游心
歛竹素息影翳蒿蓬吾道惟夷曠靈臺若太空

黃天策字一峯信豐人諸生乾隆丙辰舉博學鴻詞官

教諭

弔呂汲公墓

山鬼然疑路險難當年懷古淚闌珊故封蟻鼠神悽慘遺
匣蛟龍事渺漫宰樹雲沈荒堞暗豐碑雨鎖墓門寒江天
野寺蕭蕭晚懷古蒼茫倚碧巒

李灝字柱文南豐人貢生乾隆丙辰舉博學鴻詞有間

苕堂集

入華子岡

崇岡逼天闕，池邈入寒山。涼飈四面來，飄薄噴紅泉。吾行仗輕策，裹糧擬昔賢。伐木追險道，聳身陟高阡。幽人何時來，彷彿生紫煙。側聞華子期，長嘯驚飛仙。玉棺琢千載，金籙太上傳。遠眺天柱峯，孤光隱目前。麻源望三谷，清冷何潺湲。響折謝公屐，高下聲楚然。

沈冰壺字清玉號梅史浙江山陰人貢生乾隆丙辰舉博學鴻詞有古調自彈集

詩話梅史沈酣羣籍家貧無書恆借書縱覽窮經攷史尤熟於明季遺聞詩善議論不工近體

夜郎歎

唐家支庶領大藩，祿山聞之爲膽寒。賀蘭一言傾房公骨。

肉猜嫌填心胸永王謀反出附會王不能明白何怪可憐
天上謫仙海上釣鼈客長流夜郎號黨逆同爲上皇臣同
輔上皇子鄴侯爲名佐太白坎墮死所遭幸不幸二李天
淵懸若此噫吁噉王不反有公道白從王非草草或言出
脅致回護未深考紛紛譏議盡可掃

崖州行

贊皇之勳配裴度度薦宰相才此言殊不誤牛李之怨亦
由度黑白昭然本易悟珣耶嗣復耶贊皇實救之絢耶敏
中耶贊皇實引之此皆牛李黨誰言贊皇胸中城府多徇
私太原上黨次第克造膝密謀皆其力武宣二宗本水火
太叔得立太尉禍崖州之變意中事何必夢中乞哀我

鑿舟歎

湯湯瓜埠水林兒鑿舟死真人已立金陵城向日君臣虛

稱耳吁嗟乎項王冤負不義名漢高發喪非至誠宋主韓林兒都

亳州封明祖為吳國公明祖既定天下遣廖永忠逼林兒遷都舟至瓜埠永忠鑿舟家屬溺死與項王江中之弒無異

汪祚字惇士號菊田江都人副貢乾隆丙辰舉博學鴻

詞有鶴田集

雁來紅

雁影空階八月天一枝紅紫賽春前朱顏老去猶如此慘

綠當時是少年

楊煜曾字吾三武進人乾隆丙辰舉博學鴻詞

和新城尚書鳳翔府韻

渭水無情日夜流南山拱處古皇州野人塢下風依舊鳳

女臺前露未秋斜谷戍關空設險陳倉賣酒且澆愁亂鴉
殘日頻搔首新月窺人吐半鉤

戈溥字博山號焚魚子南昌人諸生乾隆丙辰舉博學
鴻詞有焚魚詩鈔

答饒海亭寄懷原韻

一曲聽泉百慮清只求琴意不求聲三更露墮哀猿嘯萬
壑風傳老鶴鳴乍解徵商心已靜了然夢幻體都輕知君
仍向東湖水目數流光縷縷情

冬日

短簷喧凍雀暝日映窗虛白髮羞新鏡青山憶舊書風高
寒雁急地遠故人疎歲歲梅花發何時適我初

童能靈字龍傳號寒泉連城人貢生乾隆丙辰舉博學

鴻詞有冠豸山堂詩集

詩話康熙己未大科諸徵士被薦卽詣闕下待試乾隆丙辰諸行省所薦士先由督撫學政會考士有未應行省徵者亦有應徵而行省試罷者故每有當時已被徵書而全李兩錄皆從蓋闕寒泉亦其一也寒泉結廬冠豸山閉戶讀書窮學性理考紫陽爲學次第並及洪範太極圖書樂律著作等身

春日東郊卽事

春鳥向鄰樹流聲入我詩有情還各得無意亦相吹一枕
睡初破滿庭芳正披忘言曾未得慚愧對花枝

晚晴籜詩匯卷七十三終

雖際郊游與我五與之言曾未嘗辨辨捷捷
春為向秋樹為經人非前自詩發谷為經為

春日東郊明事

春風吹綠柳
春水漲清波
春草生芳甸
春鳥啼幽林
春風吹綠柳
春水漲清波
春草生芳甸
春鳥啼幽林

晚晴籀詩匯卷七十四目錄

蔡新 二首

金德瑛 九首

秦蕙田 四首

曹秀先 三首

張若潭 一首

曠敏本 三首

仲永檀 一首

趙青藜 二首

李師中 二首

朱嘉善 一首

湯聘 一首

王顯緒 二首

全祖望 十一首

黃永年 一首

鄭燮 十五首

王立性 一首

金門詔 一首

萬光泰 十六首

李海觀 二首

孫廷權 四首

曹復元 一首

祝淦 一首

明倫彙編 家範典 卷一百一十四 目録

于敏中 一首

周煌 八首

德保 五首

觀保 四首

王會汾 一首

林枝春 二首

任端書 六首

張若需 二首

喬光烈 四首

錢琦 九首

國梁 十二首

張九鎰 二首

帥家相 三首

彭遵泗 一首

沈雅 一首

史震林 二首

蘇鶴成 二首

翁文達 一首

孫擴圖 一首

晚晴移詩匯卷七十四

徐世昌

蔡新字次明號葛山漳浦人乾隆丙辰進士改庶吉士授編修官至東閣大學士加太子太師諡文恭有緝

齋詩文集

詩託文恭為文勤猶子承閩學正傳朝端推為鉅人長德直上書房四十餘年澄懷八友圖即勅自文恭遂為從園故事詩亦雅健宏深有正笏垂紳之度

題汪文端公松泉圖

種樹添新蔭先當培其根疏泉資灌溉先當裕其源少師勤學殖呈材依禁垣汲深藉修綆下筆文瀾翻承明自獻納公望羣所尊御賜飛白書中有至道存松貞泉比潔寶之重璵璠贊皇平泉記温公獨樂園何如此清華天語含

春温憶我追陪日直舍鄰高軒文漪頻挹注美植長滋繁
披圖感今昔遺韻猶堪論既以惠來學復此垂後昆始知
餘慶在世業皆君恩

題古中盤五松圖

昔聞畢宏韋偃畫古松振筆長風浩呼啣如何此卷僅矮
幅而多天矯騰踔之蟠龍鱗爪攫拏勢莫至濤聲在耳雲
盪胸倬哉萬松老居士筆端具有造化工此圖何處得畫
本傳自古云盤谷之中峯侍從宸游多燕暇相對勝友此
扶筇濡毫拂素標異狀貌得盤山古幹真形容最憐後彫
質沐日浴月幾春冬太平之世豈獨民仁壽草木亦含雨
露濃君不見泰山上有五大夫風煙剝落摧秦封如此蒼
髯礪磈突兀自千古得非福地神秀鍾松兮松兮安得布

襪青鞋盤桓於爾側髣髴乎桂父木客之高蹤

金德瑛字汝白一字慕齋號檜門仁和人乾隆丙辰舉

博學鴻詞一甲一名進士授修撰官至都察院左都

御史有檜門詩存

詩話檜門遭際承平和聲鳴盛廊廟賡歌之什流傳極多而性樂佳山水通籍二十七年持節衡文東歷泰山南逾江淮窮三山五嶺之奇每登臨題詠人爭傳誦其游錦屏山與蔣心餘詩云故知凌空發意趣氣挾凡境皆環奇蓋自道得江山之助也

題吾汶稟

丞相不勸原必死先書祭文數十紙待得燕山齒髮歸同心不媿同鄉里昔者宋玉師屈原莫能直諫空招魂未知楚滅身何所千古但有風流存何如廬陵王鼎翁恥作機雲作陳東心哀母老難許國不然隨殉柴市中虔州之水

洪州驛處處悲風寒凜慄義士相望四百年歙州亦有江

天一

康郎山功臣廟歌

紅羅真人起滁濠天弧墮地揚旌旄龍蟠虎踞定南國削
平僭亂如吹毛上游楚氛勢頗惡奮臂怒比螳螂騎江漢
竊據意未定騎鹿欲向南山遨南昌堅城鐵作甕撼山有
力空爲勞金陵援師來颯颯乘風颺謀臣猛將談六韜從
以仙人周顛左右舟中翽賊徒返旆出彭蠡扼吭不得通
江湖罪貫不盈勢不滅介恃戰艦匡廬高鯨鯢小捷遽得
意紀信出詐漢王跳遂令三十六將同戰死廟貌留祀康
山椒中山一人丁普郎齊雲振舵如魚舫韓成居左同列
坐半褰赴水赭黃袍其餘面驛面塗炭冒突烽焰頭毛焦

別有三五少年白面帶微笑甲冑踴躍輕波濤豈是鷓夷
生去日塑工肖得窮秋毫定應賊顛貫矢後英靈舞扑隱
約來林皋惜哉張定邊爾亦男兒曹天完逆將眼不擇猶
奉餘孽奔危巢奇材劍客誤荆楚百萬齊作跖犬嗥鬪體
鋪滿大湖底陰夜餒哭聲號咷甯知此廟三百年春秋伐
鼓牛羊牢古槐鬱鬱崇封袞曾護真主驅鴟鴞枯株斷棹
猶敬惜過客競奠香牲醪廟前古槐一株相傳明祖避難
其下後錫封號迄今行舟致禱柏幹架置廟
中不敢私燬嗚呼樹木尙如此英雄可不慎所遭湖波浩
淼風蕭騷廟中木主永勿祧金匱石室之史儻遺漏不妨
搜討姓氏鐫刻蟠龍鼉

雪度井陘關與周石帆學士同用漁洋韻作歌

蓬萊宮出祭紙黃秦晉蜀使車聯行

予奉使祭女媧成湯
二陵石帆祭蜀江源

涂石溪太常祭關
中諸陵皆同驛道
滹沱渡後望險阻
漸覺山谷生蒼涼
燕

趙古稱多節義
齒冷隙未羞陳張
唐藩幽鎮互割據
晉陽東面鎖鑰詳
陰雲似凝古壁壘
玉屑忽灑征衣裳
羣仙跨鶴羽節幢
浮空遊戲樂未央
輿夫軒前又輕後
滑汰側足頻隄防
舊關據隘尙中路
新關轟翠堆雷碾
角聲縹緲出雉堞
飛白點點旌旗揚
山農舊冬苦無雪
今喜麥隴滋不荒
高低鑿坏露門竇
一穴豈辨堂與皇
石田春冷遲墾作
枯草逆罇如鍼秧
嗟爾謀生太跼蹐
我傳食隨翱翔不
逢爭戰不耕戍
但騁筆墨含風霜
峯迴漸失韓信幟
出坎更弔興唐王

題沈叔園觀察勞山吟眺圖

法坤厚畫

大勞小勞肩隨高
七真遯跡今未遙
仙家闕恡不好事
搜

奇洩異須吾曹芒鞋無緣徑路絕恰藉按部窮巖坳金剛
崩劣玉女睇鳳凰翔翥獅虎虓崇巒窅穴明復晦倒根插
濯黏天濤隨車吮墨大弟子予吟汝繪爭爲豪蒼華櫛沐
近照耀醜神知覺潛沈逃惡風弱水屬荒誕歸帶煙霧衣
巾飄文人眼大山海渺收納卷軸銖釐毫從君覩縷細指
數舊嘒泰岱不如勞我雖足阻神已到讀詩見畫忘蕭騷

制硯歌贈陸蒲塘孝廉

書生硯田苦耕耘田之授受由他人蒲塘乃欲創物始月
斧自闢蒼雲根渾然元圭質素璞疆場凹凸逐手分平留
掌面蕉葉色細出鐘鼎雷回紋零星小石逞遊戲一滴滉
瀟珠含唇晴窗曉日光鮮新高吟騷雅追皇墳袖閒無聲
運斧斤淵淵古氣相氤氳鍾王韓杜未落紙隱約逗露先

天文囊中蓄得端溪品相戒不許俗手捫每愛青花浮荇
藻恰遇妙斲鑄瑛琨餘工試與遣暇隙譬運重甕連朝昏
文章已出戒剽竊制器那用躬辛勤知君寓意弗苟且詩
筆掃盡窠臼陳硯成獨許享其逸此田屬我長子孫

徐州懷古

帥五諸侯共滅秦英雄開闢古無倫漢營氣早成天子塚
下頭終德故人落日霸都濰水壯東風姬血草痕新天亡
戰罪徒分別項伯功封異姓親

秋濤怒卷古彭城太守臨隄版築成猛士詩人樓九日羽
衣吹笛月三更曾吟大集淋漓句今聽雙洪斗落聲歎息
故山歸未得不勝風雨弟兄情

閉門寂寞陳無己文字南豐一瓣香不向蘇門作賓客況

從時相假衣裳士生貴富天常吝志在孤清死不妨安得
斯人式通俗洪河東下日湯湯

桃源

主人耕作客人漁說向先秦恫恍餘好是碧溪紅樹裏不
傳數卷未焚書

秦蕙田字樹峯無錫人乾隆丙辰一甲三名進士授編

修官至刑部尙書諡文恭有味經窩類橐

詩語文恭經術湛深所纂五禮通考薈萃羣言折衷
今古坐言可以起行最爲有功經義當時詔舉經學
文恭之贊議居多詩亦
篤雅冲和醇而不腐

冬夜有懷和天鈞上人

暮雲歸遠樹夕陽在西嶺招提寂無人徙倚息孤影空山
響天籟嚴霜襲衣冷皓魄澹禪心涼宵知漏永嗟余履屯

難壯志邈難騁反側聽蛩吟熒熒一燈靜清颺山中來助
我發深省起坐調鳴琴幽懷徒耿耿

答復初先生見寄之作

六籍聖人貽紹述賴百氏紀綱天地人厥功焉可紀精言
與大義歷歷瞭如指性功達治術出處均一軌胡為後世
士觸目驚且哆如構九層臺版築傾基址又如舟失舵簸
蕩風波裏禮器及車服誰復求形似吾邑有顧翁復古氣
雄偉窮年抱遺經含咀吸真髓脫身塵壒外清曠莫與比
擁書萬卷樓尋原必迄委初年學古文下筆輒光煒尙論
愛司馬年譜究終始先生曾著温公年譜神交若投契覲面相應唯
詎止傳賢蹤禪補先正史三禮圖宮室古意追釋米穿穴
暨春秋三傳列硯几創成大事表務合筆削旨書成忽十

稔作歌告諸子謂蒙守樸學謬與談名理款款尺素書殷
勤附赤鯉軒朗豁雙眸不啻脫痼痕所恨久離索末由竟
株柢先生名山業塵垢視青紫高風式鄉閭立志起頑鄙
嗟予日荒落勺蠡難測海持示蔡與吳入手先色喜何當
返柴荆百尺容攀倚

燕子磯

策杖陟層巔凌虛望遠天江山自終古亭榭幾經年帆影
懸殘照漁歌入暮煙長吟舒逸興風月任無邊

秋齋雜詠

夙有東皋約春畦十畝閒窗開泉上樹門對雨中山好鳥
亦知靜孤雲時就閑何當守寂寞長掩舊柴關

曹秀先字冰持號地山新建人乾隆丙辰進士改庶吉

士授編修官至禮部尙書諡文恪

玉芝

祕感敷神草幽元洞孝經仙人渺蹤迹芝閣闕儀形玉葉
雲心冷瓊盤雨意冥可堪四十載灼灼未凋零

陰雲

欲雨復不雨雲氣鬱寒陰颼颼遠風起飄散吹平林陽烏
斂飛燄高隱層霄岑韜光黜外視而無塵埃侵自然得所
養沐浴江海溥此時如水鏡罔象堪幽尋

雄縣舟中

繞城一水自彎環野色雲容各自閒便當乘槎溯天漢眼
中少箇是名山

張若潭字紫瀾號魚牀桐城人乾隆丙辰進士改庶吉

士授檢討

釋褐後紀恩

門開閭闔試璿宮
兩度含毫紫禁中
捧出松煙金殿馥
分來綾餅玉階紅
響傳鈴索風聲肅
身到蓬萊日影籠
宮錦賜歸初釋褐
一門三世拜恩同

曠敏本字响嘯衡山人乾隆丙辰進士改庶吉士有响

嘯集

寄懷六兄文之

菰米滿江皋
霜雁垂兩翼
雁飛自成行
我獨苦岑寂
君寓榔之南
我來湖以北
謝陋不自揣
使院理筆墨
歛忽半載
餘深悲駒過
隙劇思風雨
夜對牀疑共
析男兒生世
閒懽聚信難
得高堂垂白
親各各違
顏色晚舟泊
沙渚我心倍

惻惻安得湘中鯉尺素達君側

二十四日洞庭舟中

俗呼臘月二十四日爲小年節

洞庭三日棹歲晚惜殘暉水落湖身瘦沙平雁影微
酌帘排作幕漁網巾成帷戶慶小年節偏予一葉飛

喜晤江南雲

喜見故人面渾疑夢裏看不須論得失且共訊平安往事
碁殘局浮榮水旋瀾爲君重感舊雙淚欲闌干
見我君應怪眞成漫浪游寸心懸魏闕孤棹問江頭
冀北衝巖雪金閫話早秋莫辭譚竟晷此會頗難求

仲永檀字襄溪號樂園濟甯人乾隆丙辰進士改庶吉
士授編修歷官左副都御史有樂園詩草偶存

詩話樂園官侍御奏請酌減上元燈火聲樂裕陵
溫旨答之既又劾步軍統領鄂善受賕鞫實伏法遂

超授僉憲未幾又擢副憲命主文武會試並屢奉使
按事方駸駸大用乃以洩留中密奏下獄遽卒時論
借之

途次卽景

雨餘秋色滿林叢攬轡遐觀四望同柳惹青苔身並綠柿
沾白露葉初紅遠山牧笛橫牛背近水蘆花拂馬駿薄暮
荒村聊對酒一彎新月透簾櫳

趙青藜字然乙涇縣人乾隆丙辰進士改庶吉士授編
修歷官御史有漱芳居集

舟次淮陰用東坡淮韻

混混河水黃清清淮水碧二水會山陽蒸作城霞赤城下
遠游子暝煙趨水驛家山日以遠鴈字雲中隔朝來風力
柔未可發洪澤人生秉素志所貴能自適有河恣長飲滿

腹願已畢不見貪者勞那知靜者佚王孫出袴下名亦垂
金石學道胡不爲功成徒見疾

夢王翦林先生

東髮識君名少長識君書識君官給諫得罪江干居江干
日無事愈復究蟲魚人閒得片紙珍似蘭亭初健筆既淩
雲清腸甘野蔬寂寞謝冠蓋瀟灑理耕鋤我生實已晚天
涯竊緒餘忽得營營路告我以君廬扣門欣題鳥轉盼失
庭除鄰雞催月上惆悵趣巾裾

李師中字正甫號蝶園高密人乾隆丙辰進士改庶吉
士歷官御史

過開山

濟南南去路嶺壑幾千盤一水來回過亂山前後看角聲

孤戍迴人影夕陽寬何處聞雞犬孤村樹色寒

過富陽

別卻錢塘去連峯取次開艣搖修竹裏帆挂古城隈水急
知灘近山昏覺雨來春江樓第一舟過首重回

朱嘉善字懷遠號怡齋天津人乾隆丙辰進士歷官刑

部員外郎

西山晚步

沿溪芳草費幽探山色青青滴晚嵐竹外桃花花外水
雲深處結蘿庵

湯聘字莘來號稼堂仁和人乾隆丙辰進士官至湖北
巡撫有稼堂漫存稿

重游東皋卽事呈同游諸君

春水平隄一艇橫杏花深處話浮生小橋隔岸時通馬細
柳如煙不礙鶯誰抱素心輕富貴我從醉眼識公卿莫教
風雨閒相迫葉葉枝枝鬪曉晴

王顯緒字維彰號之巖又號閨軒福山人乾隆丙辰進

士歷官安徽布政使有蓮城集燕山小草

詩話閨軒博涉經史官刑曹十年朱文端頗器之出
領提刑多所平反準疇爾之役參軍事丁丑歲自波
羅河屯監進噶爾浮檻車
詣京師集有詩紀其事

鄂爾楚克哈達帳中漫興

曉岫秋陽雲半吞午來盈谷換春溫茶烹蟹眼析泉水香
熬鷓頭老樹根邀醉黃花憐未放供書紅葉悵無存辛勤
逾月眠風帳空對東山謝相墩

中秋雙黃寺道中

盼到良宵仍客邊
恩恩鞍馬夕陽天
一環水曲叢煙遠
十笏山尖吐月圓
斷續鐘聲梵王刹
高低帘影酒家塵
去年此夜經行地
今日重來覺宛然

全祖望字紹衣號謝山鄞縣人乾隆丙辰舉博學鴻詞

成進士改庶吉士授知縣有鮎埼亭詩集

詩話謝山負氣忤俗有節慨相傳為錢忠介肅樂後
身年十四從董正國學編讀里中范氏陳氏藏書復
從武林趙氏借所未見書淵博無涯矣主葢山端
溪書院究心鄉邦文獻表章節義如不及故集中闡
幽發潛之作爲多

秦淮河房追懷復社諸公

橫議多緣世道衰
黨人亦自蹈危
菑賓寮豔說四公子
芒

角猶傳三茂材
耕巖次尾崑銅也
歷詆太牢原過激
得沈白馬有

餘哀秦淮水畔行
遊地嗚咽寒潮帶
雨來

燕子磯蘭若尋蒼翁題字

江東王氣已全枯，豈有重興赤伏符。
半夜秋風出靈谷，千船軍火竄焦湖。
孤生逐日空三足，碧血沈淵尚一壺。
此日彌甥輯遺事，可憐題字竟模糊。

今年春雨極多而吾鄉水無儲蓄四月中洩錢湖以種稻數日又竭有感而作

七鄉旱洩錢湖水三日俄成涸轍魚天帝似應憐瘠土杞人空自念農書誰家閉糴思安枕有吏催科尙滿車自古勤民在溝洫長官何以奠旬餘

宣房沛澤未全消，蒿目流民歎不毛。
萬戶盡資農部食，諸君誰念聖躬勞。
猶傳淮泗河防亟，又報荆吳米價高。
天末逐臣如鷄鼠，驚心先在甬江皋。

澄湖舊足三河注嘉澤誰將片石磨憶昔置田驅積奉于
今搏土闕洪波饑金穰木原難料堰廢隄荒可奈何夜向
重霄覘月暈神臯那得驟滂沱

夜與谷林坐天目山房看月談及倪文正公築靈臺
以種竹乃以徽墨塗壁谷林欣然思效之率爾有

作

衣雲閣外萬竿竹絕地累土高十尋尚書於此著兒易黃
芽競茁蒼精吟夢吞三爻美東箭老人猶自有童心童心
太古乎又乎兒易序中引太
乎童鳥爲說黝墨餘波四壁淋坐教天都
賢太守兼車十笏貢南金歛谿石液愁竭澤黃山松鬣嗟
焚林方程夜共山鬼泣風篁颯颯傳哀音通人好事成奇
癖而今但有荒邱岑我過始甯淚滿襟昨宵山房看新月

庖羲一九正在參危坡絕頂更如砥古牆八面都成陰龍
飛鳳舞遠峯至蒼茫茸薄傳寒礎酒闌爲話平泉舊主人
不覺懷古深頓擬高置此君座卧聽空中戛琅琳研田殘
膏足挹注黑雲垂天清不淫更須我撰大招詞追招尙書
聽素琴祇憂直節不復見荒山月黑空蕭森

重三日偶然作

東風靳放青宿草不可踏蒼龍爲之怒連朝呼拆莢夜聞
萬蟄蟲蠕蠕更霄霄所憂玉蘭花魂散難爲攝江干士女
殷索居阻步屨苔痕上綠階墨雲染白帔天方啟閨餘客
無怨沾溼且待含桃登重理永和帖

南皋見子甬上耆舊集中所錄錢侍御帝里篇而歎
賞不置卽和其作

琅琦江上無寸土重趼歸來淚如雨側身且作蘆中行冥
飛頻爲弋者驚頭顱出自鮫人室剩餘一絲不我絕莫道
我身鴻毛輕雄虹光照枯燐青揚雄符命那可讀高廟聞
之鬼夜哭不見茂陵秋芒芒夜聞馬嘶何處望嗟哉我家
故栗里回首徒傷急景駛袖中尙有一卷書我兄幕府之
留餘十年以來長箝口明夷於股更於肘祇應投之九天
門天門誅蕩白日昏與人家國良多事一夢栩栩還起起
是誰讀之叩鉢催染毫重吹九死灰謝翱方鳳良俊物嘔
出當年朱鳥血

碣石行

故都御史華亭徐公孚遠乘桴廿年從亡道梗由安南入覲安南要以臣禮不屈而歸所

傳交行集者也歸而同延平入臺延平亡臺軍漸削乃復入中土栖遑無就至碣石依宮保總戎吳君六奇竟以完髮終其野死爲可悲其得保顛毛則亦僅有之事也吾獨壯吳君之出自賤微草竊

而能為天下留貞臣之命使得以無恙威儀入地
是亦絕世之奇矣世人但舉查職方一事以為佳
話豈足以盡之哉宜其克享功名歿遂順恪之諡
也若田間先生謂徐公歸自安趾即留碣石則諺
矣抑國史吳君傳
中亦應大書者也

子遺孤臣頭雪白不死東甯死碣石吾戴吾頭吾知免一
枝幸藉將軍力冥鴻何處覓安宅老羆帳中堪避弋鴟鴞
不敢加彈射幾社故人最生色夏公感歎何公喜更有陳
公同太息相與驚魂且動魄謂斯人者從何來古心所照
天地碧碣石風雷生畫戟誰知中有柳車客海王聞之司
眠食朝看揚朝夕重汐在昔韓王亦無輩竟賣鍾離足長
喟

七星巖

天帝當年啟大樽七星羅列似兒孫洞門尚有歌鐘在石

室將無祕錄存自昔湖山煙水闊于今阡陌草萊焚何當
反復謠黃鵠用瀉灘江春漲痕
白日伊誰巧琢成離奇變幻有神明乳泉上接天漿落斗
枋遙疑石筍擎山鬼空中驚爆竹詩人傍午作題名老夫
蹇足徒惆悵病後採幽不勝情

黃永年字靜山號崧甫江西廣昌人乾隆丙辰舉博學鴻
詞成進士授刑部主事歷官常州知府有奉使集
金陵使院寄劉給事蘭谷少尹謹齋

層樓雲入坐小架翠成帷遠憶聯吟處煙蘿一角垂鐘殘
秣陵外鳥下夕陽西無限江南思裁詩月上遲

鄭燮字克柔號板橋興化人乾隆丙辰進士官濰縣知

縣有板橋詩鈔

阮芸臺曰板橋以歲饑為民請賑忤大吏罷歸其詩云長官好善民已愁况以不善司民牧真至言也維縣人感其政至今寶其書畫多有效其體者詩不拘體格興至則成頗近香山放翁符南樵曰先生少孤貧讀書成甲科授邑宰現身說法民皆安堵息訟嘗於公庭步月作詩寫畫六房如水吏去無人所作詩詞皆手書付刊先生不以詩鳴然述事言情無不惻惻動人誦其詩可知其志矣詩話板橋畫書詩號稱三絕自出手眼實皆胎息於古詩多見性情荒率處彌真摯有味世乃以狂怪目之淺矣道情十首乃樂府變格豪情逸韻與熊魚山萬古愁曲相頡頏亦可傳之作

揚州

畫舫乘春破曉煙滿城絲管拂榆錢千家養女先教曲十里栽花算種田雨過隋隄原不溼風吹紅袖欲登仙詞人久已傷頭白酒暝香温倍悄然
廿四橋邊草徑荒新開小港透雷塘畫樓隱隱煙霞遠鐵板錚錚樹木涼文字豈能傳太守風流原不礙隋皇量今

酌古情何限願借東風作小狂

西風又到洗妝樓衰草連天落日愁瓦礫數堆樵唱晚涼
雲幾片燕驚秋繁華一刻人偏戀嗚咽千年水不流借問
纍纍荒塚畔幾人耕出玉搔頭

江上澄鮮秋水新邗溝幾日雪迷津千年戰伐百餘次一
歲變更何限人盡把黃金通顯要惟餘白眼到清貧可憐
道上飢寒子昨日華堂卧錦茵

鄴城

劃破寒雲漳水流殘星畫角動譙樓孤城旭日牛羊出萬
里新霜草木秋銅雀荒涼遺瓦在西陵風雨石人愁分香
一夕雄心盡碑板仍題漢徹侯

悍吏

縣官編丁著圖甲悍吏入村捉鵝鴨縣官養老賜帛肉悍
吏沿村括稻穀豺狼到處無虛過不斷人喉抉人目長官
好善民已愁況以不善司民牧山田苦旱生草菅水田浪
闖聲潺潺聖主深仁發天庾悍吏貪勒爲刁奸索逋洵洵
虎而翼叫呼楚撻無甯刻村中殺雞忙作食前村後村已
屏息嗚呼長吏定不知知而故縱非人爲

撫孤行

十年夫歿肩書篋歲歲曝書抱書哭縹緗破裂方錦紋玉
軸牙籤斷湘竹孀婦義不賣藏書況有孤雛是遺腹四壁
塗鴉嗔不止十日索墨五日紙學俸無錢愧塾師綫腳鍼
頭勞十指鐙昏焰短空房黑兒讀無多母長織敗葉走地
風沙沙檢點兒眠聽曉鴉

小廊

小廊茶熟已無煙折取寒花瘦可憐
寂寂柴門秋水闊亂鴉揉碎夕陽天

題游俠圖

大雪滿天地胡爲仗劍游欲談心裏事同上酒家樓

李氏小園

小園十畝寬落落數間屋春草無穢滋寒花有餘馥閉戶
養老母拮据市梁肉大兒執鸞刀縷縷切紅玉次兒拾柴
薪細火煨陸續煙飄豆架青香透疎籬竹貧家滋味薄得
此當鼎餼弟兄何所餐宵來母贍粥

晨起縫破衣鍼綫不成行母年七十四眼昏手又僵裝綿
苦欲厚用綫苦欲長綫長衣縫緊綿厚耐雪霜裝成令兒

暝母衣單薄涼不衣逆母懷衣之情內傷

范縣

四五十家負郭民落花廳事淨無塵苦蒿菜把鄰僧送禿
袖鶉衣小吏貧尙有隱幽難盡燭何曾頑梗竟能馴縣門
一尺情猶隔況是君門隔紫宸

登范縣城東樓

獨上秋城望高樓出曉煙西風漳鄴水旭日魯鄒天過客
荒無館供官薄有田時平兼地僻何況又豐年

逃荒行

十日賣一兒五日賣一婦來日賸一身茫茫卽長路長路
迂以遠關山雜豺虎天荒虎不飢肝人飼巖阻豺狼白晝
出諸村亂擊鼓嗟予皮髮焦骨斷折腰膂見人目先瞪得

食咽反吐不堪充虎餓虎亦棄不取道旁見遺嬰憐拾置
擔釜賣盡自家兒反爲他人撫路婦有同伴憐而與之乳
咽咽懷中聲呶呶口中語似欲呼爺孃言笑令人楚千里
山海關萬里遼陽戍嚴城嚙夜星村鐙照秋澗長橋浮水
面風號浪偏怒欲渡不敢攖橋滑足無屨前牽復後曳一
跌不復舉過橋歇古廟聒耳聞鄉語婦人敘親嫻男兒說
門戶歡言夜不眠似欲忘愁苦未明復起行霞光影踽踽
邊牆漸以南黃沙浩無字或云薛白衣征遼從此去或云
隋煬皇高麗拜雄武初到若夙經艱辛更談古幸遇新主
人區脫與眠處長犁開古蹟春田耕細雨字牧馬牛羊斜
陽谷量數身安心轉悲天南渺何許萬事不可言臨風淚

如注

還家行

死者葬沙漠生者還舊鄉遙聞齊魯郊穀麥等人長目營
青岱雲足辭遼海霜拜墳一痛哭永別無相望春秋社燕
雁封淚遠寄將歸來何所有兀然空四牆井蛙跳我竈狐
狸據我牀驅狐窒鼠掃徑開堂皇溼泥塗舊壁嫩草覆
新黃桃花知我至屋角舒紅芳舊燕喜我歸呢喃話空梁
蒲塘春水暎飛出雙鴛鴦念我故妻子羈賣東南莊聖恩
許歸贖攜錢負橐囊其妻聞夫至且喜且徬徨大義歸故
夫新夫非不良摘去乳下兒抽刀割我腸其兒知永絕抱
頸索我娘墮地幾翻覆淚面塗泥漿上堂辭舅姑舅姑淚
浪浪贈我菱花鏡遺我泥金箱賜我舊簪珥包并羅衣裳
好好作家去永永無相忘後夫年正少慚慘難禁當潛身

匿鄰舍背樹倚斜陽其妻徑以去繞隴過林塘後夫攜兒
歸獨夜卧空房兒嗁父不寐鐙短夜何長

王立性字太初高密人乾隆丙辰進士官婁縣知縣有
小峨嵋詩集

旅夜

霜碓與風笛並作異鄉聲江月正當戶海雲低壓城草深
螢乍出樹響鵲頻驚志士多牢落無爲恨不平

金門詔字軼東號東山江都人乾隆丙辰進士改庶吉
士授知縣

過趙北口

春風雲暝破春妍楊柳青青早放顛亦似江南湖水碧片
帆吹過打魚船

萬光泰字循初一字柘坡秀水人乾隆丙辰舉人舉博

學鴻詞有柘坡居士集

詩話柘坡穿穴六藝排比百家著述甚富尤精於周
髀音韻諸學其詩精鍊瓌麗病篤時手自編定僅七
百餘首外有古文詩
餘均自燬去世不傳

和家兄敬懷秋日閒居

燕來育羣雛雛出燕欲去單衣未歸篋複衣復當絮跋烏
迅不停顧免疾難御微茫造化機舉手作新故愚夫懷干
憂志士亦百慮何如蟋蟀詩行樂歲聿暮

城市眾所驚清曠還郊坳春萋媚柔綠秋至果實零野雀
晨俱來網蟲夕可聽嗟彼窮巷士短褐僅蓋形平生相牛
法肯易相笏經浮雲去皎皎晚日空庭青

瘦尊含古制莢琴韞奇曲席門無高車樞斷繩自續比鄰

二三叟但話桑麻俗飲水侑亨瓠翦韭佐脫粟百年腐儒
餐粗糲願已足

登高望湖涘厯厯明帆檣朝來小陰翳正晝仍驕陽曝布
標長竿曝書滿竹牀雨聲忽東至溼我羅衣裳陰陽多變
化有日迷翕張衣袂戒旣濟甯謂勿過防

露晞岸草黃霜落林葉赤連畦種汙萊各有鹵莽獲篝車
陌頭載墉櫛屋後積南山落豆萁伏臘缶自擊吾生寡筋
力幸辨菽與麥伐檀感風詩素食徒挾筴匡衡世農夫揚
雄豈仕籍驅雀彼何爲今人不如昔

禪藻齋觀元鮮于伯機草書嵇叔夜與山巨源絕交

書卷子

虎林隱吏困學民風流自擬晉宋人晚年裘馬氣俱斂落

紙具有湖山春草書雄壯妙入神上追米薛下筆親泥中
輓車何筆法亦如舞劍師裴旻嵇康絕交書最古七不堪
辭山吏部抱琴自爲鴻飛高肯向塵埃薄湯武柳陰無暑
貴客來不聞不見驅車回廣陵散今遂絕矣山巨源終安
在哉右軍將軍會屬筆摹本鮮于復其一龍騰雨墜奇勢
存想見臨池心手疾同時幾輩成煙雲此卷幸遲松雪焚
六丁雷電取不得知子守護誠辛勤辛勤守護何人識斷
楮零縑增太息墨池昨夜瘦蛟橫山雨吹窗晚風黑

泛舟淮安城西歷游湖上諸園晚歸遲月

長隄如井眉城邑在井底平疇通酒壚斜陌截腥市綠溪
見漁父迷路問蘆子纔遵短彳行卻喜單舟檣晴沙秋練
淨遠綠春煙靡數灣迹已深一席輕可使微吟聊自賞默

會興何已停橈復潭陰草色動圓水

林廬在水次緯壁皆赤蘆不爲華丹飾未失漁釣徒粉籜
放新竹錦英纏朽株熙熙數鄰家窺客衣短襦終年飽淮
米復飽魚與苽農桑洵可樂金紫誠奚須嘸煙一鳩應拂
水雙燕俱感時春令過傷遠羈情孤長軒更流憩細谷平
風湖

枚生作賦處垂柳青依依東皇妒青眼團作飛緜飛攀條
欲贈遠繞樹風吹衣流萍俄已滿晚日將無歸歷歷鷺依
岸明明魚擁磯潛聞蘆雨澀盡卷蒲煙微棲禽噪林隙孤
磬開僧扉明鏡水面靜圓月城隅輝卻顧共游處亂雲迷
夕霏

香河車中晚行

乘黑辭店門落月猶在屋冒寒度冰河夾岸起羣鶩微霜
灑凍面側望半枯瀆蕩藕蕭條空渚洲窈窕復雙輪曳麥
壠厯塊何碌碌下有豚耳蔬時誤拂馬腹是皆瘴瘵婦拮
据備冬蓄民生職在勤物理報亦速高城忽在邇灰燼昧
兩目解鞍息前林草率具湯沐凝雲沈斷堞孤塔聳平陸
古道一徘徊殘碑半堪讀

城西南陳氏園看芙蓉花復至眞如寺

市南壓長虹湖尾置別墅廣除闢翠寒圓沼濬曲阻幽花
孤且晚玉潔秀葉楚懿茲深谷芳媚色乃貞處游儵萃眾
樂鳴鳥矯一舉遲客久未來沿流復登渚

宰官發洪願捨宅城南陌佛爪久紛飛浮圖鎮遺跡秋光
相輪淨鈴語西風隔遙看野鷗盤片段殘霞赤前村穉榭

熟細路牛羊夕更戀石闌斜松聲散晴碧

和坤一咸和四年甄歌

春雲作泥花作土客子還家十日雨刺船問友城東門魚
市曉鯉河水渾主人居廬顏色悴積潦盈階苔滿地一甄
得就牆陰看上有咸和四年字質如石重棱矩方盈尺不
足盈咫強薶沈旣深于性靜薜暴不著其工良主人昨客
臨溪水日有永安山在几耕人掘地侵土龍鄰叟分詒共
石髓我聞晉陶久不全南宋僅贖保母甄交螭方壺地下
破興甯寶刻人間傳是甄後出與爲二能記倉黃渡江事
四郊不壘蘇冠軍百甓定運陶刺史燒甄誌年謀亦周千
齡卧聽松梧秋誰憐衣襦仍發冢亦有牧豎來登邱餘不
亭高山鬼睇薜荔女蘿知幾世誰能更覓沈約墳我欲再

補石柱記主人枕出復食貧弔鶴不至嘯鳥馴歌詩已廢
蓼莪句塙土正待燒甑人嗟我將爲粵行客歸期遙指江
楓赤且留銅雀香姜材換取梅花蕉葉石

雨不得至鄧尉

湖外垂雲向夕冥湖頭密雨灑窗櫺梅花暗落千林白
鏡影閒挑一夜青踏雪多年期佛屋衝泥咫尺阻漁汀
雞鳴敲枕瀟瀟甚且當還元閣上聽

送廷簡歸杭州兼柬大宗西顥曦亮竹田

草色微茫雪滿河燕南二月未春和尋常保社催花雨
忽漫離筵折柳歌獨往還山京國隔相憑寄字里門過
羈留迅邁俱無定不用臨歧感涕多

青雲有路孰彈冠白日無繩自轉丸衣食驅人難閉戶雲

山招容易投竿晨車願化飛塵送夜店須回落日看湖上
故人多寂寞臨風亦望訊平安

李海觀字孔堂號綠園寶豐人乾隆丙辰舉人官印江

知縣

天津丙德庵夜坐

舍舟登陸夜蕭寺冷光多月皎松圖壁風寒鳥夢柯開箱
書有債倚榻睡無魔藉此消愁緒晨鐘待若何

登大梁上方寺鐵塔絕頂

浮圖百尺矗秋光螺道盤空俯大荒九曲洪波來碧落兩
行高柳入蒼茫宋宮艮嶽埋淤土周府雕垣照夕陽惟有
城南岑蔚處吹臺猶自說梁王

孫廷權字天衡海鹽人乾隆丙辰舉人官天門知縣有

宦楚吟稟

巖門

疊嶂高於雲人在雲之上混茫一氣凝罡風不能颺萬柄
 青芙蓉亭亭盡舒放俗塵我已離奇觀誰所覘遠郭浮蜃
 樓孤村縈蟻壙密疎棊布局連斷卦分象偉哉真宰功頃
 刻呈干狀數折入巖門厥勢更雄壯危崖碎欲傾亂木森
 相向龍虎久鬱蟠何年方得暢王公重設險茲山為保障
 竊據何代無乘機扼其吭平羌策自良改土事為創列戍
 戢干戈職貢登纁纁休教伯圖啟敢與王師抗戎馬限雖
 宜榛荆闢須曠致遠舟車通深慰黎民望

自生橋

兼山忽中分屹屹勢難動絕澗駕修梁有馬不能縱誰運

昆吾刀雌雄截蟠螭輕捷與蹒跚到此兩無用造化設危
機恐遭倉猝中如隨地軸迴未許天門狃入險羣猿迎出
險怪禽送勞生敢告勞痛定還思痛安得奇肱車萬里雲
程控

苗刀歌

沙渠土司悍且豪大爲容美小散毛納地久降諸崗長尙
存苗種懸苗刀此刀出匣三尺水吳潭素練翻秋濤春鵬
長尾自皎潔鷓鴣安用尋常膏蠻兒矯健逞身手累年剽
掠橫相遭官軍緩攻議剿撫民居雜處思奔逃留茲利刃
經戰鬪往往深夜聞鳴號卽今向化買牛犢兼有就學嫻
風騷朝廷德威加四海金兵不向皋蘭塵羅平妖鳥避鷹
隼大宛天馬隨蒲萄東南自充財賦藪零星荒土輕秋毫

我來割符已數月喜見風俗勤耕陶蠻君發冢一十二蒼
藤綠樹嘒猥猥莫安有方賴守牧奸宄屏蹟弓矢改此刀
棄置常不用遙看日月霜天高

永順道中

置散成羈旅搜奇惱化工嘯歌三楚外行卧萬山中冰雪
心難熨煙霞路易通夔州諸詠在一和少陵翁

曹復元字興門號月帆上海籍嘉善人乾隆丙辰舉人

官林縣知縣改溧陽教諭有六榆散人草靜甯室詩

鈔

縛雞行

舟人買雞江岸邊轉賣鄰舫趁客錢船頭縛雞船尾殺釜
中湯沸命一霎豈知殺雞雞未殊驚飛帶血亂水鳧舟人

脫手空大叫更有鄰舟得而笑是時張帆舟難旋公然攘
之當面前吁嗟人事動多反覆買者垂涎攘者食肉

祝淦初名游龍字貽孫號人齋海甯人乾隆丙辰舉人
有日新書屋橐

送家兄豫堂歸省

風勁霜嚴臘正殘天涯兄弟別離難高堂夢遍歸期晚雁
陣聲驚客路寒一紙家書心惓惓時聞叔母病信三更茅店夜漫

漫園梅有信傳應早花發人歸一勸餐

于敏中字叔子號耐圃金壇人乾隆丁巳一甲一名進
士授修撰官至文華殿大學士諡文襄

秦系山房

春山寂寂洞天幽聞有高人此地留一夜桃花新漲急石

池猶認墨花浮

周煌字海山涪州人乾隆丁巳進士改庶吉士授編修

官至兵部尙書贈太子太傅諡文恭有海山存豪

李雨村曰漢司馬長卿奉命檄諭蜀中父老本朝周文恭公亦兩次奉命至蜀審案再至成都詩有云鄉路遠分江內外儂家原近灤東西詩意頗自負

詩話文恭官編修時副全穆齋侍郎魁奉命册封琉球王禹卿徐傅舟二客從之行至姑米山颶風舟壞幸獲濟各有詩紀事可見當日海程之艱乾隆戊寅與陳星齋王晉川同直上書房閱二十五年予告歸存橐內集八卷皆應制之作外集十二卷則在京師與奉使視學時詩也

夷陵晚泊

巴猿嘯不住一艇下青天遠水沈寒景高城起暮煙
猿亭

嗟漢日劫火憶秦年江上湘絃動愁余目渺然

齋敕出南臺舟次恭紀

入律蕤賓動琯灰

例以夏至後渡海

樓船帆正鬱崔嵬金章玉節

海邊出鼙鼓龍旗山外開

旗鼓閩中二山名

南國屏藩親祖送東

方陪隸仰昭回書生並有乘風願似此王程得幾來

鷁首雙高俯大洋遙知不日是扶桑先安廉石爭風力總

有恬波應國祥耀遠旌麾通浩淼凌空笳吹起潛藏明朝

底物常相對碧海青天日月光

游辨嶽

五嶽何年到十洲

琉球五嶽蓋是國人慕中華而倣名之

試從望海海全收

高處四面見海

城標故國鼎三足島界諸蠻蜃一樓古木帶煙山

閣晚虛巖迴日石壇秋停車問俗徵荒記說有叢祠祝祝

留

祝天孫氏女即嶽神也

方正學先生祠

一紙徵書降紫泥奉天門下奏華芝齊賢名噪才難老賈
誼年輕策已奇高廟有靈儲用日微臣無命際危時飛雲
落月皆成讖千古春心望帝悲

諸公名姓榜朝堂賞格初行事可傷紫氣黃旗行已矣繡
裳丹旆轉荒唐唐空多勸表傳三讓只少頒書草十行拈虎
批龍等閒事倚天劍氣老鄒將

謁嶽廟

太華岧嶇曉正蒼真源遙溯氣靈長五材並用知金肅萬
寶初收識白藏呼吸幾人能入座兒孫列岫儘成行西南
正有三年克早晚機槍掃鬼方

發渝州

竭來桑下亦淹留去住無端不自由訟閣一鈴風試急柘

枝聲裏出渝州

德保索綽絡氏字仲容一字潤亭號定圃又號龐村滿
洲旗人乾隆丁巳進士官至禮部尙書諡文莊有樂
賢堂詩鈔

淨荷樓雨後卽事用謝宣城郡內高齋閒坐答呂法

曹韻

高樓何迢迢兩霽雲靄深新霞媚層嵐宿煙斂喬林四野
靜無喧有客方孤吟何以說幽獨試奏朱絃琴邈然寄遙
想古人爲知心荷氣散華沼竹風颺清音目送羣鳥還夕
陽淡遙岑

明湖泛舟

湖影茫茫漾晚秋煙波無際碧雲流帆從水面亭邊落人

在天心鏡裏游

湖中有亭曰天心水面

千里襟懷誰共遠滿城風景

此全收官閒更有登山約遙指峯嵐最上頭

對面即干佛山

春歸

百計留春春亦歸東君欲別更依依空庭夜雨醒殘夢芳
草天涯怨落暉繞樹乍聽鶯百轉銜泥驚見燕雙飛欲尋
紅紫無蹤跡花點池塘絮點衣

和白樂天浩歌行

雙丸旋轉無時畢三萬六千空計日步踏陳迹如磨牛彈
指流年行望七人生誰能滿百年懷憂千載真徒然回思
少壯駒過隙可憐照鏡非朱顏塵蹤已逝皆成故往事茫
茫不知處舉頭一笑清風生天外浮雲任來去君不見狂
瀾滾滾逐愛河幾人名利沒頽波不如酒且成醉康莊

坦步無嗟我淨掃煩愁樂其樂興來聊復發長歌亭畔喜
看芳草綠窗前愛賞春陰多樂天長句真成達來者謂我
將如何

宿盤山史各莊挂月山房憶近亭亡弟

吾弟方垂髫昂藏負神力挽弓常挽強十五選善射箭作
餓鳴鳴橫空落健翮對撲熊館前決勝標英特出爲營闢
官挺拔聲赫赫巨鼎累千鈞手扛氣無茶駢頭千萬人聚
觀驚辭舌至今江淮間軼事尙傳說急流思退勇願作煙
霞客一朝解組歸盤谷築幽宅經營結數椽茅屋依卷石
地勢敞高軒畦徑天然闢桃李雜松杉一一皆手植泉石
愜心期城市少足迹高蹈不可攀懷念徒充積偶聞抱微
疴欲訪苦無隙驚傳凶問來傷心淚沾臆因知造化心清

晚晴雜詠卷十四
三
福最所嗇今我來山莊人琴何所適封塵有書策掛壁留
劍戟諸子已林立頭角喜岐嶷墳冢近舍旁浮土尙新色
酌酒淚自傾悲痛情無極嗟予與近亭連理枝同脈孰知
壯者亡衰頽尙供職壽夭理則那問天天默默

觀保字伯容號補亭滿洲旗人乾隆丁巳進士改庶吉
士授編修累官禮部尙書罷再起授左都御史諡文

恭

界亭

初識沅陵路盤陀費馬蹏寒泉湔石出峻嶺剗雲齊樹底
窺松鼠花間聽竹雞連朝多細雨磴道不成泥

宋徽宗畫鸚鵡

良岳工成殿字涼珠簾深護海南香閒情卻試珊瑚筆解

語還勝翡翠妝毛羽至今猶鄭重衣冠當日太倉黃可憐
家法惟書畫南渡多才有壽皇

荆門曉霽

經旬磴道窘躋攀雨雨風風未暫閒一徑遙連魚腹國羣
峯環赴虎牙關承平戍卒投戈戟豐稔村姑高髻鬟偶向
荆門回首望不知身入萬重山

山居

苔磴縈紆石徑封斷崖何處飯僧鐘亂雲滿壑不歸去知
在山前第幾峯

王會汾字蓀服號晉川無錫人乾隆丁巳進士官至吏
部侍郎有梁溪集

札克丹鄂佛浴營觀蒙古騎生馬歌

札克丹營氣蕭爽沙坡澶漫連平壤諸蕃游騎爭驅入霧
鬣風鬣恣來往呼韓晚上羊臛羹幔城合奏琵琶曲終
更呈舞馬戲奚官碧眼蚪髭獮鞭鞘一拂馬齊縱附尾緣
鬃不施鞚千夫疾躍萬夫唱雪花旋捲塵飛霧注坡驀礪
走佻佻舞袂交竿捷有神忽然墜地勢驚絕雙如健鶻翻
輕身舉後蹶前雙掣拽凌虛制變爭尾髮馬間出入馬不
知逸態雄姿轉相發至尊一顧神冲融人馬咸資控馭工
少府金錢服官綺拜恩蹈舞擎歸籠卡輪競出尋荒壘篔
簹喚風山月起御營燈火燦華星萬丈煙光夜凝紫

林枝春字繼仁號青圃福清人乾隆丁巳一甲二名進
士授編修歷官通政司副使有青圃詩鈔

詩話青圃爲鄭幾庭甥少聞外家之緒論入翰林先
後視學河南江西輒與諸生開誠講授而土化之詩

清雋
可誦

登吹臺

木落雁聲哀
天風下吹臺
白雲飛不盡
平楚意悠哉
禾黍空郊遠
松篁古殿開
梁園詞賦客
車馬幾人來

把酒對城闕
悠然生遠心
宋梁餘舊壘
李杜此高吟
喬木風煙色
長河歲月深
多情思峴首
碑碣亦銷沈

任端書字念齋溧陽人
乾隆丁巳一甲三名進士授編

修有南屏山人詩集

詩話念齋詩才宏富自少至老足跡半天下而得之
燕趙秦蜀山川之氣爲多陳句山謂其堅疑結體則
城互五言綺麗緣情則珠明七顆胡稚威稱其詩
瓌璋殊麗自歷燕趙秦蜀所及愈遠所得乃愈多

夔州懷古

亂山深處鎖孤城
宇宙清秋尙鬱蒸
見說蜀王成杜宇
早

看秦火接夷陵虎牙天險憑關隘魚復江流感廢興今日
俞矛歌漢德片帆安穩浪紋層

平時夔子初分國後日公孫始作家白帝春秋迷草樹黃
牛朝暮起煙霞嘒猿路絕人居少飛鳥沙平陣氣斜閒倚
江船論往事長年高唱上三巴

馬伏波祠

伏波遺廟枕空山何限精靈去不還一夕明珠來海外千
年銅柱在人間功名自合高諸將伏臘仍看走百蠻長笛
臨風想遺曲武溪南下水潺湲

江瀆廟

南紀開巫峽滄波萬里通旌幢朝水府雲霧悶靈宮風晚
神鴉集霜深古柏紅長檣紛估客歌舞歲時同

天津

賈舶連檣接粉圍綺羅燈火照芳春幾年碣石淪滄海千
里黃河下析津三月垂楊調馬路一隄明月打魚人長安
北望雲霞近偏接河東郡縣新

揚州懷古

九州何地最銷魂一夢揚州恨曉雲六代江山謝車騎千
秋詞賦鮑參軍城經蕪後青天古樓自迷藏白日曛贏得
朝朝喚愁處酒波如海汗紅裙

張若需字曙彤號中峻桐城人乾隆丁巳進士改庶吉
士授編修歷官侍講

東巡盛京謁陵禮成恭紀

長白蜿蜒走幹龍鼎湖億載奠幽宮松楸儼扈千官肅巖

岫紛張萬旆雄石馬有靈森寶鬣玉衣宛在颯神風蒼顏
野老扶筇望三度金輿酌酒同

有邨家室肇開基陸海神皋百產滋故國東來過豐沛高
山西望識邠岐爐煙夾道陳香案歌吹闐闐漾畫旗共慶
京坻多黍稌太平天子上陵時

喬光烈字敬亭號潤齋上海人乾隆丁巳進士官至湖
南巡撫罷再起授甘肅布政使有最樂堂集

詩話潤齋起家牧令所至有宦蹟爲榕門相國所薦
拔其詩僅一卷附文集後氣格老健多記事之作亦
足徵其素蘊

棧道木偏橋易構以石俾安固永久

平時架飛梁伐木跨危棧往來雖藉通風雨亦多患常苦
摧頽易隤阢駭相踐歲時勞工徒修役連夕旦何如計其

安堅脆易所便因之琢山骨結構法初變庚庚復坦坦漂
搖幸無洊車馬秦蜀交虹蜺度天漢紀事成此章所期久
安晏

霍山

太岳記禹書霍爲冀州鎮中央惟土德極並嵩華峻積厚
恣蟠薄元氣富宣蘊仰觀何軒昂騰霄意不盡青排與翠
竦峰嶺擢戈盾蒼紫障日迴凌標冠霞近神靈闕杳蠖秩
祀嚴薦晉尙聞竹節書使者去方迅於今配侯伯福物道
無吝功美雲雨施歲被千里潤歌詩展然作庶用備贊賓

鸛鵲樓

何處西風鸛鵲樓煙沙蕭瑟滿汀洲人間俯仰成千古到
海黃河日夜流

夏縣謁司馬温公墓

條山蒼蒼河水黃大賢鍾毓非尋常兒童走卒識君實至
今青簡生輝光天將元老資有宋范韓文富道繼昌公乎
正色發偉議伊訓說命同敷揚傳聞中國相司馬遼人拱
手戢朔方奈何功德未及竟鳳凰忽逝麒麟藏轉使奸回
竊國柄碑刊元祐覆紀綱當時墓碑題御筆清忠粹德昭
焯煌鉅手萬言勒神道學士振藻鏗琳琅一朝被讒忽摧
毀馬鬣空見斧與堂墓門閉向六百載公名自共河山長
整冠下拜瞻且肅松柏聲入清風香

錢琦字相人號璵沙仁和人乾隆丁巳進士改庶吉士

授編修歷官福建布政使著有澄碧齋詩鈔

詩話袁簡齋序璵沙詩稱其立朝有風節仕外多惠政雖官尊雅好爲詩其神清其韻幽曲致而不晦於

深直言而不墜於淺又爲作志銘言其海外諸詩尤
爲雄偉蓋與沙詩派與簡齋相近告養回里母年近
百齡與簡齋同有天倫之樂故歸興詩云九
十高堂七十子多勞傳說滿江城亦紀實也

同顛齋嵩霞舉亭看紅葉卽事

長空霽煙霧幽意何淒悄乘興訪東皋挈伴踏清曉是時
秋云暮萬木就枯槁愛茲楓林葉冷挹霜華飽灼如天桃
鮮爛若晴霞繞曲折緣樹行一路恣幽討信步不知遠誤
到境逾好忽逢田舍翁招邀入深篠茅茨三五間夾以翠
竹篠到門引客入禮法互草草老甕篋新開山莊地不掃
橘摘簷前枝魚網門外沼遠岫出重雲疎林鳴雜鳥俯仰
身世忘乾坤草亭小引觴漸頽然夕陽沈樹杪拂衣辭主
人夾路晚煙裊涼颼醒醉眸枝枝紅未了矯首發長歌清
音出林表良會亦須臾美景詎常保不見紅葉紅轉眼隨

秋老寄言素心人靈根慎自葆

浦城坐清流船南下獨酌成詩

軒然大波來洶洶千山萬山磨銛鋒山與水鬪水突怒雷
霆席卷蛟螭宮天吳海若驚奔衝短兵狹巷交撐撻掀翻
海藏水倒立鼇柱孤砥愁無功一灘未平一灘起聲勢益
復增強雄仙人斂手佛避舍烏嘯鳴叫天冥濛清流船薄
薄如紙鐵臂往往矜梢工一人船頭立搖手指揮如意憑
西東卒爾首尾擊則應一人急起追而從中央四人齊蕩
槳分列左右排軍戎初從石罅盤屈曲長城敢以偏師攻
忽然一發不可控銜枚疾走乘天風爾時從者皆失色少
見多怪心恫忡我生賦性最愚拙死生得喪憑天公壁上
觀兵真偶爾芥蒂那復縈胸中梢工勸我勿開口翻雲覆

雨君知否前頭又是惡灘來
估客年年遭擊掣爲工一笑
起推篷寂歷斜陽明遠阜
談笑風波信有之不如且盡樽
中酒

灘河雜詩

忽聽驚濤響似雷
水軍怒挾海潮迴
神矜靈應留奇迹
天縱山川騁異才
寒雨連宵摧落木
夕陽終古照蒼苔
從今不怕風波險
直向風波窟裏來

後渡海

島嶼灣灣三十六
孤篷夜向灣頭宿
殘釭未滅鼓鼙鼙
又趁寒潮出海角
海角有路惟青天
海角有水如蒼煙
帆幅斜敲高浪腹
船梢倒立遠峯顛
中有老魚跳波出
大者十丈小七尺
腥風怪雨吹幽荒
甲角牙鬚森劍戟
須臾鯨鱷

明倫彙編 卷一百一十四
爭潛逃珊瑚倒影翻銀濤遠岸入雲青
暮暮盪纓插竹絲
蕭蕭三三兩兩漁舟聚習水如飛
導前路漢使秋乘斗
桴槎漁人春入桃源渡萬家煙火畫圖中
沙礁鐵綫鎖重重
魚龍窟抱鯤身曲虎豹關開鹿耳雄
此時正值春光好綠
陰夾岸風嫋嫋載得恩波較海寬
回頭一望滄溟小

秋日重登赤嵌城

一自兵銷日月光
牛皮尺地幻滄桑
空餘芳草埋荒堞
無數殘鋒卧夕陽
歌扇舞衫春寂寂
海潮山月夜茫茫
重來不盡登臨興
何處秋風是故鄉

龍湖島

涼風從西來幽意散清曉
朝過灣裏溪午上龍湖島
島勢曲如盤湖光澄似沼
水氣忽蕩搖山雲互繚繞
遂有湖中

龍遊戲現鱗爪其上浣雲亭八角撐天表俯瞰島與湖一
幅米家橐坐久不知疲夕陽催歸鳥因憶故園山環湖青
未了廿年牛馬走湖山笑人老迺於瀛海外好景恣搜討
所得償所失自計頗不少凡事有夙緣益悟造化巧前望
綠迢迢天涯指芳草

柳泉道中得漫士侍郎留徐州待余之信喜賦長句

一片秋雲織秋曉瘦馬衝泥行草草長路二更時夢公覺
視飛鴻在天杪昨宵帶雨入江南短章欲報雙魚杳徐州
自古號雄封天上黃河九曲繞張騫奉使早乘槎支機片
石恣搜討我來恰好問河源定識相逢兩絕倒人生遇合
有前緣我嫌太遲公太早明朝趨步緩隨公江上數峯青
未了

袁簡齋得余歸信以詩寄投次韻奉答

聲聲嘒鳥勸提壺得遂初懷本不圖老樹幾株閒侶伴方塘半畝小江湖筵前奉母攀花舞醉後呼兒當杖扶多少邯鄲枕上客問他此樂夢會無
無限離懷託酒卮挑鐙重檢篋中詞真如仙爪搔逢癢那有官聲掩到詩塵積琴樽閒拂拭園荒松菊急扶持相將共訂名山業爲遣飛鴻預寄知

國梁榜名納國棟哈達納喇氏字隆吉一字丹中號笠民滿洲旗人乾隆丁巳進士改庶吉士授吏部主事

歷官貴州糧驛道有澄悅堂詩集

詩話笠民詩多詠其宦游所至山川風土而於君親兄弟朋友之際尤惻怛動人善寫性情間涉淺俗其五友集文石詩則以詩爲戲者也

消暑

結廬俛澗波妙與前山值好風起菰蔣驕陽散薜荔長林
綠天垂怪石雲根墜荷珠凝幽香松濤破殘睡散髮坐迴
磴萬木落寒吹晨露午未晞碎滴逐鳥翅有時臨清漪掬
月弄空翠濯足見長脰鷺立逢魚忌隨意讀道書信步過
僧寺琴從樵夫聽酒共漁父醉因之得靜機何處容塵漬
勞勞念征夫衝暑鞭疲騎侯門誰家子日中候通刺

秋愁蘆塘道中作

弱歲愛秋爽不知秋氣悲屈宋倡哀怨藝林多微詞中年
漸知味古人非吾欺經今將半百百感叢幽私攬衾中夜
起非爲生別離無故坐嗟歎非關老與卑有事忽如忘無
事或不怡邇來日邁征貿貿駒隙馳秋亦不暇問悲亦不

暇思只有夢境惡亂綫不可治中腸忽怦怦衝心寒一絲
此間有鬼物憑之不自知安得長邁征兼無夢寐時

登金山謁禹王廟

古廟依懸壁高葢俛大河拍天浮日月撼柱擁龜鼉樓櫓
干章立船橋一葦過登臨懷禹績風雨暗層波

還至鎮羌道中雨望

嶺上嶺下綠煙迷山南山北沈雲棲乍疏乍密衣上雨或
隱或現溝中泥谿頭谿尾石齒齒車內車外風淒淒去時
川原空如洗彌望草色今萋萋便似拏舟荷花蕩只少蓮
臉嬌紅唬到眼翠碧遠無際空處透出青玻璃冷雨一夜
落羣峭玉山上與浮雲齊大塊變態遽如許是誰渲染無
町畦儻非大米卽小米中有濃澹無標題或是馬牙絕頂

蘸積雪灑作墨藩摩天倪醉中索解人不得仰天長嘯千
峯低

過石佛山因寄北園老人

老龍夜半不守窟牙爪怒張來陰暝風雨收歇無處遁蛻
遺團結堆高青鱗甲剝落纈紋細不須開鑿煩五丁峭壁
谿衍疊嶂巘層巒窳窳橫巖坳四山攢綠疑無地回望但
見煙冥冥中有一峯最聳秀左撐右拄開重扃森森劍槊
刺空上欲墮不墮含瓏玲雙洞嵌空出飛鳥一佛危坐當
孤屏楊瓊真伽或未到人刻此莊嚴形繞足有泉流碎
玉雅奏終日清泠泠有時浩不辨牛馬奔騰赴壑驅雷霆
楊氏西征此深入傳聞姓字殊非經地勝未以名人著或
是晦跡藏仙靈清游往復百不厭但惜車馬無留停柳陰

籬舍動欣賞便擬高結山間亭猛憶北園老居士看山跌
坐常惺惺不如移置北園側相與悟真散賞逃天刑

寄鶴珊弟

總角從君游頭顱各如此十年中乖異暫聚差可喜浹旬
互送迎積懷不暇理社燕與秋鴻途遇空爾爾上林君一
枝天涯我萬里意行無近遠我夢亦如是時時把君臂依
依見文史境過一欠伸中宵披衣起人言作郡樂作郡真
不美列城掩孤聰萬夫叢一指人善無足云人過我先恥
人求我恐後人取我所鄙不解效脂韋那能利爪嘴簿書
日糾纏禍害相依倚以此念家山鍵戶合掃軌況有老兄
弟至樂誰得似對牀風雨中雞鳴殊不已

葉縣道中

豈爰瞻黃城淪漪愛澗水黃城多山田土膏一何美已無
問津人尙見耦耕子澗水昔不流昆陽叢戰鬼青燐夜無
光太平今久矣葉公玩龍臺何處存遺址空令茅店壁侈
傳道元紙王喬號仙令朝天雙鳧駛亡何下玉棺一卧不
肯起今古一邱貉憑弔亦徒爾墟里人穰穰道左豕纍纍
逐逐馬輶塵登頓我未已惟當讀好詩清風濺霜齒

冷溪谷蒙道中

無醫能療煙霞癖有興還爲長短賡山勢屢翻新畫譜溪
流皆作遠松聲戀枝黃葉風留住繞石青魚浪打行秋色
向人句好句詒癡符自笑顏頰

過天井塘天半寺

天井春演漾湛然沈淨綠誰淬古銅鏡鑄此清一曲云昔

是紺宇一沈不可復貝闕虛堂皇龍宮靜肅穆寶氣至今
存往往浮磬玉從茲陟高巘鳥道神刺促旋經天半寺梵
唄出巖腹逡巡逾寺顛迴望在山麓青穹去尺五白雲生
兩足羣峭奔眼底紛如水波蹙因之念天井高岸已爲谷
焉知滄海淺不作桑田熟高下隨所遭奚事煩龜卜龜卜
既徒勞流光逝難掬

還過白水河

君不見匡廬瀑布天下奇銀河倒瀉長虹垂又不見廣陵
曲江濤八月橫捲冰山海門決竭來九十九隴間高峽飛
流坐飄忽轟雷掣電眾壑鳴噫氣怒號長林驚忽如神鬼
叫嘯雜沓凌雲行又如蹴踏空谷萬馬合一聲卽視長空
曳素練百幅千幅鵝溪絹天矢雨集下玉箭五月晴霄忽

飛霰噴沫跳珠溼兩岸白霧迷漫風不散此間儻可便乘
槎擬晤張騫話星漢

龍里道中

曙光棲禽覺初語驚幽悄山村夜無漏暗室窗失曉朝暎
逼寒巖宿霧半縈繚登登徑曲盤煙躅墮遐渺花樹綠全
暗露草青未了珠洞陰沈沈甕城波漾漾忽度馬桑沖脫
兔憶凶狡弋獲縱魚爛追躡已雲擾爲政良獨難平中勿
傷慄白馬此舊司赤子慎相保

曉發畢陽至新屯

鼉洞猿窩別未遑尋雲西去獨迴翔羈禽飛盡巖花靜野
鹿銜餘澗草香十日人偏三度過千峯雨促一輿忙居民
錯認歸來客爭道天中好泛觴

張九鎰字權萬號橘洲湘潭人乾隆丁巳進士改庶吉

士授編修歷官四川東道有退谷詩鈔

慈恩寺塔

見說繁華界憑欄劇可憐殘碑唐歲月荒草漢山川日落
邀雙鳥樓空卷片煙下方何處是燈火郭門前

涪州牛陂箒

曉雲如墨破山行未辨巉崖犖确橫射虎幾人逢李廣叱
羊何處問初平苔黏古木寒無色草伏陰蟲細有聲兩日
崎嶇頭欲白不關蕭瑟動秋情

帥家相字伯子號卓山奉新人乾隆丁巳進士歷官潯

州知府有三十乘書樓集

王柳村曰卓山氣格沈雄有幽燕氣與從父念祖時
有大小帥之目曾賓谷采其詩合陳伯璣王于一會

廷聞蔣心餘汪輦雲楊子
載何鶴年爲江右八家

因視饑籍夜投山寺憩宿有述

翳翳翠微暮採蕨人未還我馬嘶忽驚虎跡空連山誰能
絕恐懼余亦趨禪關借問持筐人信往遭禍艱潛身度密
箐趨避力孔殫餒腹藉少充縱死辭羸孱偷生豺狼窟人
命輕豆箠念之迫中腸吏責何由寬老僧供薄粥揮退不
擬餐忍飢度深夕庶以齊痾瘵穴鼠號顧我餘糧亦奚干
惻怛吾同人不言心已酸四鄰寂雞犬闔室候夜闌明晨
忍遽出菜色吾重看

夜坐

淮海高秋夜風霜獨坐身有家從委婦疏節未安貧素月
寒相照孤蛩語共親百年縈守念宇宙最艱辛

花豹梁

漸入飛狐道經行花豹梁馬蹏愁細石入面拂濃霜江海
拋前夢并幽逐大荒莫添兒女恨牽率淚成行

彭遵泗字磬泉丹稜人乾隆丁巳進士改庶吉士歷官

涼州同知有丹溪遺藁

詩話磬泉為樂齋仲尹之弟與樂齋治詩古文之學
蜀中號二彭領乙卯鄉薦第一士論翕然撰蜀碧十
卷述張獻忠亂蜀事甚詳

過應山楊大洪故宅

黑風吹獄氣陰陰何處招魂慰夙心解脫龍淵歸北寺毒
流狗監指東林大刀未試奸猶在棋局翻殘恨總沈每歎
晚來邦國瘁人亡何禁涕淋淋

沈雅字雲洲高郵人乾隆丁巳進士官海陽知縣有脫

粟集

登金山塔

孤塔在高巘來登最上頭鐘從天外落雲傍檻邊浮海氣
渾如雨江聲半是秋中流無障蔽一望已全收

史震林字公度號梧岡金壇人乾隆丁巳進士官淮安
教授

偶成贈懶雲上人

避俗託僧舍有客求八分應之以草書濃淡如秋雲墨香
交酒香顛仙嗅而醺換鶴不換鵝騎訪芙蓉君
微雨過池來疏花開且落草堂無俗客共步有雙鶴耦耕
時或輟詩畫偶然作俯仰念疇昔恐負芝蘭託

蘇鶴成字語年號野汀交河人乾隆丁巳進士有野汀

詩橐

惜春

惜春芳序晚岑寂淡幽情補病休資藥非才敢近名雲歸
三徑暝花落一村晴望盡林泉外乘風社燕輕

去年與劉艾園汲泉共飲今年余客南皮渡河歸來
感而紀之

憶酌寒泉沁齒牙馬嘶高柳避塵沙無端一夜霏微雨開
徧沿村苜蓿花

翁文達字兼卿號桃湖古田人乾隆丁巳進士有桃湖
詩集

田父吟

農夫終歲未得閒十畝爲田一畝圃有婦饁餉并采蔬兒

嘸抱向田頭哺哺兒兒長代汝勞瞬息只如朝與暮

孫擴圖字充之號適齋濟甯人乾隆丙辰舉人丁巳乙

丑兩中明通榜官錢塘知縣有一松齋集

七夕吟

癡人切切指牛女今宵難盡離別語離別經年暫相親今
宵早斷明日魂我聞此語忽失笑此事有無誰知道卽將
俗語爲爾明爾等爲我傾耳聽天上隔年如隔宿牛女幾
曾相向哭人世自多生別離還應向天問雙棲卽作一年
纔一會牛女活得萬萬歲一年一會未爲多從古到今卻
如何人世生年不滿百中間或作北邙客牛女高挂北邙
前累累精魂哭向天人聞我語皆失色我亦零零雙淚溢
人謂孫郎眞解人精言妙論如有神自此不詠銀河句自

此不復乞巧去但將果餌供孫郎憑郎說破癡人腸

前眾異語與笑向天人問其語昔夫曰非亦事者更笑矣

映神人地中平不滿百中問與神者商各本文句皆

歎一會中文字句皆新舊通六早七會本意是與古正合

曾醉向笑人想自是去龍鱗數點開天補斐斐

奇蹟盈滿而實善欲知其耳聽天生謂爭取讓

曾早海頭自與舟問魚情慈夫莫此舉青無道

無人問世語半文合皆無盡猶恨翠燕恨欲爭

與才女爭美與美相可謂人皆謂下已能上

五兩中問酸蘇豈知葉賦雜言一何齋集

冠謝國學天之無靈續舊留人神猶兩冠舉人

晚晴移詩匯卷七十四終

升女裝詞真只賦賦